

# *MADI A DZULELAHO U*

## *VHA HONE KHA TOMBO*

 Ri vha livhuwaho ano matsheloni nga Vhuhone ha Murena Mudzimu, hune ra do thoma tshumelo ya u ranga nga u ri fha mulaedza, une—une ri tea u “thetshelesa, ro dzika” phanda Hawe, uri U na tshiñwe tshithu tsha u amba. Ndi na vhuñanzi uri U do ita zwe A fulufhedzisa. U dzulela u vhulunga Ipfi Lawe. Huno ri vha livhuwaho nga u kuvhanganywa fhethu huthihi, ri vha tshilaho, na kha lino sia la U Ya Nga Nga Hu Sa Fheli ano matsheloni, na u kona u losha Murena hafhu, na u kuvhangana rothe na u pfa Khae. Ndi yone mbuno ya uri ri kuvhangane, ndi u itela yeneyi ndivho.

<sup>2</sup> Zwino, ndo vha a dzhumaho Mukomana Neville, a so ngo zwi lavhelela, namusi, nga nthani ha muñwe muloro we nda vha nawo. Uri... Ndi a tenda kha... Ndi... kha miloro. Ndi a tenda uri Mudzimu u ya shuma nga vhatheu nga miloro. Huno ndo vha na muloro u songo doweleaho, madekwena a phanda a mulovha. Uri, ndo vha ndi tshi khou tshimbila nga kha tshikwara, tshiñwe tshikwara, ndi tshi khou ya fhethu ha u lela he nda vha ndi tshi khou ya u vha na tshiswiñulo tshanga—tshanga. Huno nda limuwa uri, vhunga ndi tshi sendela tsini ha afho fhethu, vho vha vha tshi khou lidza muzika, okhesitira yo vha i khou lidza muzika, na dzi vayolini, huno u tshi khou mvumvusa vhatheu musi vha tshi khou la. Huno ho vha hu na tshiñwe tshithu nga hazwo tshe nda si tshi takalele, ngauralo nda tou fhira afho fhethu. Huno nda tangana na muñwe muthu a tshi khou da nga tshikwara. Huno nda mu lavhelesa, huno vhatheu vhanzhi vho vha vha khou da kha hetshi tshikwara kha hafha fhethu ha u lela. Fhedzi nda lingedza u bvela kule havho, nda rembulutshela kha tsha u la, kana, kha tsha monde.

<sup>3</sup> Huno nga inwe ndila, fhasi kha muedzi, ndo vha ndi tshi kona u vhona thaberenakele. Huno nda pfa ipfi la muñwe muthu, la ri, “Tangana na Mukomana Branham kha mañwe mafhande. U khou tsa nga tshikwara nthia heneffo. Huno u mu vhudze tshithu tsha uri na tsha uri.” Huno nda tavhanya u swika kha haya mafhande.

<sup>4</sup> Huno musi uyo muthu a tshi da, ho vha hu Mukomana Neville o ambara suthu yawe ya buraweni, a tshi vhona nga ndila ine a vhonala o dzula ngayo ano matsheloni. Huno a ri, “Mukomana Branham, arali u tshi khou da doroboni,” a ri, “zwi do vha—vha zwavhudzi uri i we u de ngeno fhasi, ngauri Mukomana Hank...” Zwino, ane nda mu divha fhedzi,

Mukomana Hank, ndi Mukomana Henry Carlson, ri mu vhidza Hank. A ri, "A nga humbula uri a two ngo dowelea uri a wo ngo dalela thaberenakele zwinzhi arali u tshi khou ya u vha u mona na dorobo, kana u mona na dorobo lwa maduvha a si gathi." Nda mbo di vuwa.

<sup>5</sup> Huno, kha hezwo, nda di pfa nga ndila i songo doweleaho. Ndo vha ndi sa khou ḥoda u sokou bvelela nga itsho tshifhinga tsha vhege, u swika ndi tshi vhudzisa Mukomana Neville arali a na tshiñwe tshithu tsha tshipentshela u itela ano matsheloni, kha tshivhidzo. Ngauralo o vha wa vhuthu, sa nga misi, a ri, "Tsela ngeno phasi." Ngauralo, ra mbo di da. Huno ndo mu kwama mulovha nga mathabama, huno nda da ano matsheloni, zwi songo lavhelelwa nga muñwe washu.

<sup>6</sup> Zwino ndi a tenda uri zwi do vha tshithu tshavhuđi, u thoma, kha nñe u nga ndi—ndi a ni ḥalutshedza zwiñwe zwithu. Ndi, nga khonadzeo, muthu a sa pfesesei kha vhatu vhanzhi. Ndi a sa pfesesei na kha nñe muñe, naho. Ngauri, ndi lingeda u tevhela u rangwa phanda ha Muya Mukhethwa, nga vhuroñwane nga hune ndi nga ralo. Huno hezwo zwi ri ita vha sa pfesesei, ni a vhona. Ri ita zwithu zwine ra—ra dzula phasi ra divhudzisa tshiñwe tshifhinga, "Ndi ngani ndo ita tshithu tsho raloho? Naa ndo itisa hani tshithu tsho raloho?" Huno henehfo ni nga humbula uri no ita kokotolo zwe na vha ni songo tea u ita. Fhedzi arali na nga tou vha wa u sa fhela mbilu, huno na vha na lutendo, huno na vha na vhuñanzi uri Mudzimu o ni ranga phanda uri ni zwi ite, ni do wanulusa uri zwi tou bva two tou ralo. Ni a vhona? Huno zwifhinga zwinzhi ri wanulusa hezwo. Huno ndi a zwi divha uri Mukomana Neville o zwi wanulusa hezwo, zwifhinga zwinzhi. Huno vharangaphanda na vhatu vha maya vha a zwi limuwa hezwo.

<sup>7</sup> Zwo no vha tshifhinga kha vhutshilo hanga ndi tshi... . Zwavhuđi, u bva ndi tshe mutukana, ndo dzulela u pfa u rangwa phanda huthihi uri ndi tea u dzula ngei—ngei Jeffersonville. Zwo dzulela u vha thunzi kha tshidolo, kha nñe u lingeda u dzula hafha. Tsha u thoma, nzulele ya mutsho a i tendelani na nñe. Tshiñwe tshithu, u vhonala hu na u tsikeledzea ha maya.

<sup>8</sup> Arali na humela murahu na lavhelesa huñwe fhetu hafha, arali vhu songo tshinyadzwa nga tshifhinga tsha mudalo, u na vhurifhi vhu ambaho nga hezwo, he nda vha naho, u thoma u vhidzwa kha vhusumeli, ndo thoma u ḥuwa. Huno Mukoma George DeArk na nñe... .

<sup>9</sup> Huno mme a Mukomana Graham Snelling, Mukomana Hawkins ane a tshimbidza garatshi ngei New Albany, na vhatu vhanzhi, vha ḥangana na nñe ha muñangano muñuku wa thabelo nga hafha. Huno vha ita na uri, arali nda nga dzula, vha do tendela vhana vhavho kha ḥafula, u—u fhañta thaberenakele, ngauralo uri vha si teye u bviswa fhetu vha tshi ya fhetu.

<sup>10</sup> Musi ndi tshi pfa u la mme muṭuku, a na muñwe ḥwana o mu fara nga tshanḍa huno muñwe o mu takula, a tshi ri o vha a tshi do tendela vhana vhawé kha ṭafula, uri vha kone u fhaṭa fhethu hune vha nga dzula nahone vha losha, zwo vha zwo dalesa kha nne u zwi kondelela. Ngauralo Mukomana George na nne ra ḥangana ra dzhia tsheo ya uri ri do dzula ra fhaṭa thaberenakele.

<sup>11</sup> Huno musi thaberenakele i tshi fhaṭiwa, zwo dzulela u vha... Matsheloni e nda kumedzela thaberenakele, bono lo da, line lo ḥwaliwa nahone hafha kha tombo la tshiuludza heneffo, musi Muya Mukhethwa u tshi ri kha nne, "Heyi a si thaberenakele yau." Ni a vhona? Huno nda vhudzisa he thaberenakele yanga ya vha hone, huno A ndzudza phasi ha lutombo. Huno zwenezwo A ri, "Ita mushumo wa muivangeki," na zwinwe zwinzhi, sa zwine na zwi ḫivha. Zwo ḥwaliwa na kha dzibugu.

<sup>12</sup> Izwo zwithu zwoṭhe zwo ḥanganyiswa. Huno ḥinwe ḫuvha musi ndo vha ndi tshi khou gera mahatsi n̄ha hune Mukomana Wood a dzula zwino, huno mme a mufumakadzi wanga vho dzula hone nga itscho tshifhinga; nda dzula kha tshitupu tsha murahu, tshitupu tshiṭuku tsha kale tsha khonkhiriti, tshe nda fhaṭa hafha fhethu huṭuku heneffo u itela mme a mufumakadzi wanga. Huno vho vha vha tshi nga mulindakhoro ya tshivhidzo nga itscho tshifhinga, vha tshi tshi ḫogomela. Huno zwi tou vha khagala u nga nnyi na nnyi a tshi nga amba, Ipfi la amba na nne, la ri, "Ndi nga si vhuye nda u fhaṭutshedza musi u kha di dzula hafha. Ni tea u difhandekanya u bva kha vhatu vhaṇu na hafha fhethu." Zwo ralo, ndi, izwo zwo tou nkwashekanya, lu no nga vhege kana u fhira.

<sup>13</sup> Luzhi, tshifhinga tshoṭhe, Tshiñwe tshithu tsho ntsivhudza, "Tuwa, ḥuwa. Yela thungo ya vhukovhela. Dzulela u yela vhukovhela." Zwo ralo, nda... Zwo dzulela u dzindela. Huno zwi vhonala u nga tshifhinga tshoṭhe... .

<sup>14</sup> Zwino, ndo zwi ita zwa vha khagala muhumbuloni wanga uri ino vhege ndo vha ndi tshi khou ya Tucson, he nda vha ndi tshi khou ya u hira fhethu, u vha hone vhuno vhuriya; u dzhenisa vhana tszikoloni, u thoma nga Tshimedzi. Ndo vha ndi na fhethu. Hu na fhethu he nda vha ndo to newa heneffo. Fhedzi hu na tshiñwe tshithu tshine... Huno—huno arali nda ḥuwa... .

<sup>15</sup> Tshiñwe tshithu tshine ndi nga takalela u amba. Phanda ha musi ri tshi nga fhaṭa heyi nn̄du n̄ha hafha, nn̄du ya mufunzi, hune ya vha hone zwino, ndo vha ndi sa khou ḫoda u fhaṭa heneffo. Mme a mufumakadzi wanga vho vha kugela. Huno a lila nga hazwo, a ri, "Ndi nga si siye mme anga hafha, ndi tshi ḫivha uri vho kegula, huno vha nga balelwa u ḫogomelwa." Zwo ralo, nda pfesesa hezwo. Nda pfesesa. Ndi mme awe, huno mme muthihi fhedzi a ne a do vhuya a vha navho, kana ra vha navho. Ngauralo, nda pfesesa hezwo. Ngauralo nda—nda rabela

kha Murena, nda ri, "Murena, zwi tshi vha uri a thi takaleli fhethu," Nda ri, "nnyite ndi fusheye. Ndi do ya huñwe na huñwe hune Wa ḥoda ndi tshi ya, u bva huñwe na huñwe. Fhedzi a thi ḥodi u tungafhadza mufumakadzi wanga, u mu ḥuwisa kule na hafha, kha shango lisili hune a si divhe muthu. Huno zwenezwo ndi dzula ndi si ho tshifhinga tshoṭhe, naho zwo ralo. Itau nnyita uri ndi fusheye u vha hafha naye."

<sup>16</sup> Huno zwino, musi mme awe vho dzhiwa, huno vho ya Vhugalani, zwenezwo hafha hu da mbidzo hafhu, ni a vhona, zwino u bvela phanda. A thi divhi uri ndi ite mini.

<sup>17</sup> Huno zwenezwo liiwe duvha musi heyi pfunzo ye vharathu vha thoma u mona, Ndo ima kha phuluphithi tshifhinga tsho fhiraho ndi fhano huno nda ni vhudza uri a thi nga vhi ndi mudavhini tenda hezwo zwa vha zwi tshi khou bvela phanda. Ngauralo, vharathu vha onyolosa izwo zwavhudi. Zwoṭhe zwi khagala zwino. Hu sa athu fhela awara dla fumbili-iña, zwo vha zwo no fhela.

<sup>18</sup> Zwino izwo zwi vula mudavhi kha nne. A thi divhi uri ndi ite mini. A thi divhi uri ndi dzhiye ndila ifhio. Ndo humbelo Murena u itela bono. Ndo Mu humbelo uri a mbudze zwine nda tea u ita. Fhedzi U sokou ntendela nda dzula.

<sup>19</sup> Zwino, madekwe musi ndi tshi ḥuwisa vhana vhoṭhe, mufumakadzi wanga na vhoṭhe, u bva nduni, ndo ita tshikumedzwa kha Murena Mudzimu. Huno nda ri kha Murena Mudzimu, "Arali Wa nga mphatutshedza nga ndila ine nda tshimbila, ndi do U shumela. Fhedzi U do tea u ntsumbedza hune nda tea u ya, na uri hu iwa hani, na zwine nda tea u ita." Ngauralo, nda dikumedza kha Murena. Na hone—hone vhushumeli ha zwoṭhe, ndo zwi kumedzela kha Murena. Huno nda ri, "Huñwe na huñwe hune Wa vula, tshiñwe na tshiñwe tshine Wa ita, ndi do tshimbila kha iyo ndila. U swika U tshi ita ndila, ndi do tou bvela phanda sa zwezwi u swika U tshi ita ndila." Huno ndo Mu humbelo uri a zwi ite zwi vhe khagala uri a thi nga fhuriwi zwenezwo, ngauri ndi a tenda uri ri kha mafhande a uri tshiñwe tshithu tshi iteye.

<sup>20</sup> Ndo zwi pfa zwi tshi porofitiwa haya matsheloni hafha nga Mukomana Neville, kana u zwi nea he nda zwi divha uri ho—ho vha hu tshiporofito tshe a vha a tshi khou amba nga hatsho. Zwino, ngauralo-ha, ndo ni rabelela noṭhe, zwino ndi khou ḥoda noṭhe ni tshi nthabelela, uri Muya Mukhethwa u do nthanga phanda kokotolo hune nda tea u ya, zwine nda tea u ita, uri ndi sa do ita phoswo.

<sup>21</sup> Ni a vhona, zwifhinga zwinzhi, vhathu vha elekanya uri tshifhia tsha tshiporofito, uri Mudzimu u sokou tou ri, "Ndi do ni doba hafha, nda ni dzudza phasi hafha. Zwino itanu ya hafha." Huno Ha ni vhudzi hezwo zwithu zwoṭhe. Arali A tshi ralo, zwenezwo lutendo lwa u kunda lune na vha nalwo ndi

lufhio? Ni a vhona? Ni a vhona, inwi, U ni litsha na ima ni nothe u fhira vhathu vhothe. Ni a vhona? Nothe ni nga da kha nne na nkhumbelo tshiñwe tshithu, huno Ha athu vhuya a kundelwa fhedzi zwine U ni fha phindulo. Ndi zwone. Ee. Fhedzi ndi nga Mu humbelo zwithu u itela nne muñe, huno zwifhinga zwinzhi U tou nnditsha ndi ndothe, ni a vhona, a ntendela ndi tshi bvela phanda ndi tshimbile khazwo.

<sup>22</sup> Ndi na zwithu zwino zwine nda khou tea u zwi tandalula, na tsheo ine nda khou tea u i ita. Huno heyi ndi ya ndeme nga maanda, u swika ndi nga si dzhie u swika ndi tshi vha na vhuñanzi uri ndi Ene ano khou amba na nne. Huno ndi—ndi.... A nga si mphe bono. U tou nditsha ndi ndothe. Ngauralo ndi khou sokou dzula sa tshisiwana, u nga, haya matsheloni, a—a thi divhi uri ndi fare nqila ifhio. Ngauralo, ndo zwi kumedzela kha Murena.

<sup>23</sup> Ndo—ndo di pfa nga u ralo zwenezwo, kha u lora hezwo, uri ndi tea u da hafha kha thaberenakele huno nda thusa Mukomana Neville u swika tshiñwe tshithu tshi tshi itea ndilani. Ngauralo, ndi do vha ndi hone.

<sup>24</sup> Ndo vhudzisa Mukomana Neville lwa tshikhalanyana tsho fhiraho, “Uri tshivhidzo tsho vha tshi tshi khou tshimbilisa hani?”

Huno a ri, “Zwavhudzi.”

<sup>25</sup> Huno zwino ndi pfa uri ni kha di vha na zwifhiwa zwa tshimuya na zwithu vhukati hanu, zwine zwa khou shuma, zwifhiwa wa u porofita, na—na u amba nga dzindimi, na u ɻalutshedza dzindimi, zwine ro zwi pfa tshikhalanyana tsho fhiraho. Huno hezwo zwithu zwi a maandafhadza kha tshivhidzo, nahone nga maanda.

<sup>26</sup> Fhedzi ndo humbula, khamusi madekwana a ñamusi ndi nga, arali Mukomana Neville.... Arali Muya Mukhethwa u sa ri i si kha tshiñwe tshithu tsho fhambanaho, madekwana a namusi ndi do takalela u.... Arali vhoinwi, phanda ha musi ni tshi ɻuwa ano matsheloni, u riwala dzimbudziso na dzi vheye hafha, dzinwe mbudziso muhumbuloni wañu, uri ri nga humbula zwine tshivhidzo tsha khou elekanya. Ndi nga nqila ine mufunzi a vha nayo ya u wanulusa zwine zwa vha mbiluni dla vhathu. Huno muñwe na muñwe wa vhoinwi a re na mbudziso, i riwaleni ni i vheye hafha. Arali ni si na tshipida tsha bambiri tsha—tsha u nwalela matsheloni ano, zwenezwo i ñwaleni madekwana a ñamusi, li sa athu kovhelesa. Ngauralo, ndi nga takalela u vha na tshifhinga tshinzhi tshire ndi nga vha natsho, khadzo, u dzi lavhelesa huno nda ni fhindula nga Mañwalo.

<sup>27</sup> Zwenezwo arali Murena a tshi funa, arali zwi lufuno lwa Mudzimu; ndo ita tshiñatamende hafha a si kale, uri ndi do takalela u amba na inwi nga ha Mapfundo a sumbe a u fhedza.... a Nzumbululo. Zwino arali ra... ndo vha ndi nga si swike kha

ayo Mapfundo uno nwaha, ngauri a bva kha ndima ya vhu<sup>6</sup> ya Nzumbululo, nga kha—kha ndima ya vhu<sup>19</sup>, u swika kha ayo Mapfundo. Fhedzi mararu a u thoma kana manā ao a nga fhindulwa nga vhusiku vhuthihi, ndi a humbula, Pfundo liñwe na liñwe vhusiku vhuthihi.

<sup>28</sup> Zwino, arali ra pfesesa, ra vhona hune ra ima kha Bugu ya Nzumbululo, hune Tshivhidzo tsha iswa Vhugalani, zwenezwo zwiñwe zwe salaho zwi kwamana na Vhayuda, hu si na Tshivhidzo na khathihi. Tshi shumana na lushaka lwa Vhayuda. Zwenezwo-ha ri tea u humela murahu, u bva kha U Takulelwā Tađulu ha Tshivhidzo, huno na... Ri vhona zwe zwa itea nga kha ayo Mapfundo, na nga tshifhinga tsha Tshivhidzo tsha Vhannda. Tshivhidzo tsho ḥuwa; na lushaka lwa Isiraele, tshi humela murahu huno tsha disa Isiraele u bva kha tshifhinga tshe a siiwa, u swika kha tshifhinga tsha musalauno; huno na u da ha Mesia, musi vha tshi do ḥanganedza Mesia.

<sup>29</sup> Zwino ni khou zwi wana? Tshivhidzo tshi a takulwa. Mudzimu u thoma u shuma na Tshivhidzo, Zwikhathi zwa Tshivhidzo. Ro zwi dzhia hezwo. Zwenezwo Tshivhidzo tshi a takulwa tsha i swa Vhugalani. Zwenezwo Muya Mukhethwa u ya murahu huno wa wana Isiraele, sa lushaka. Huno wa zwi disa fhasi u swika hafha, musi Munyanya wa Tshilaleo u tshi khou bvela phanda, huno zwenezwo wa Vha vhuisa murahu hafhu kha magumo a itsho tshifhinga. Ndi do vha na bodo ya u nwalela, huno nda kona u zwi ola huno nda ni funza, musi tshifhinga tshi tshi swika. Zwenezwo Murena a vhuya na Muselwa, huno Isiraele a mu vhona. Huno, oo, tshi do vha tshifhinga tshavhuđi hani!

<sup>30</sup> Zwino, phanđa ha musi ri tshi nga ȳumanya izwi nga ndila yone, huno hu na ngudo khulu ine ya vha tshikhukhuliso tshihulu kha vhorathiolodzi na vhanzhi, na vhadededzi u tsa na zwikhathi, na vhatu vha Tshivhidzo tsha Kristo na avho vhane vha khou da u pfa hezwi, hezwi ndi, Vhege dza Fusumbe dza Daniele. Ri na... Ri nga si ye kule kha Nzumbululo u swika ri tshi ȳumanya Muselwa na Isiraele fhethu huthihi na Vhege dza Fusumbe dza Daniele. Huno khañwe, arali Mudzimu a tshi funa, u itela uri arali Ene a tshi tea u amba na nne tshifhinga tshi daho, u amba na rine nga dziñwe dza hedzi Vhege dza Fusumbe... kana, hu si Vhege dza Fusumbe, fhedzi Mapfundo a sumbe a u fhedza. Zwenezwo Swondaha i no tevhela, ndi do lingedza u dzhia Daniele Vhege dza Fusumbe, Swondaha i no tevhela, Murena vha tshi funa. Huno hezwo zwi do vula mudavhi zwenezwo, arali A tshi tea u ri ranga phanđa, u thoma kha manwe. Zwo ralo, ri do wanulusa u bva zwenezwo.

<sup>31</sup> Mukona Neville na nne ri do vha ri tshi khou shumisana kha hezwi, huno na u ita zwe the zwine ri nga kona u itela mbuyelo ya vhatu.

<sup>32</sup> Zwino, u humela murahu tshifhinga tshoṭhe, ri rabelela vhalwadze, ri dzulela u takalela u ita hezwo. Huno nga khonadzeo ri nga zwi ita muṭangano muṇwe na muṇwe, arali vhathu vha tshi khou lwala, u vha rabelela.

<sup>33</sup> A thi tsha takalela u vha na huṇwe u ṭalukanya ha dzimbiļu. Ni a vhona, hafha khezwi zwe zwa bvelela. Ndo lingedza. Huno ndi a zwi ḏivha uri ndo ita zwithu zwe khakheaho; fhedzi ndo lingedza u tshila tsini nga maanda na Mudzimu, tshifhinga tshoṭhe, kha Mudzimu, ndi nga ndila ine haya mabono a do itea ngayo, nga ndila ine a do bvelela. Na vhathu vha do xeļelwa nga zwithu, huno vha mpfounela, vha nkhumbela uri ndi rabele kha Murena, u vhudzis he zwa vha zwi hone. Vhunga Jesse o xedza dzimeila, huno vhatukana vha tsela phasi u wana muporofita, huno a vha vhudzis uri meila dzo no humela murahu hayani. Na zwi ngaho zwenezwo, izwo zwe luga. Fhedzi zwi a dalelsa, vhathu vhanzhi... A hu tou vha u mona na hafha fhedzi; ndi shango loṭhe u mona, ni a vhona. Ngauralo zwi tou, zwi ndzudza ndo neta, huno zwa ni vhea fhethu hune na dzula no tshuwa tshifhinga tshoṭhe, u swika zwi tshi swika fhethu hune...

<sup>34</sup> Huno izwo ndi zwe zwa ita uri vharathu vha thome kha pfunzo, uri ndo vha ndi Murena Yesu Kristo nga tshivhili. Huno ri a zwi ḏivha uri izwo zwe vha zwi tshi do kwashekanya Vhushumeli ha tou vha zwipida, huno zwa ḏisa u nyadziwa kha Kristo na tshiṇwe na tshiṇwe. Ni a vhona? Ngauralo ndi yone mbuno ndo tea u vha dzinginyisa zwihiulu, u zwi phelisa nga khathihi fhedzi, u vha ḏivhisra uri izwo ho vha hu si zwa Mudzimu, izwo zwe vha zwi zwa diabolo. Ni a vhona? Huno ndi vhathu vhavhuđi. Huno zwe sumbedza uri avho vhathu vho bebiwa hafhu nga Muya wa Mudzimu, ngauri, musi vha tshi vhona Ngoho nga Maṇwalo, vha humela ha Mudzimu, kokotolo, ni a vhona, nga u ṭavhanya. Ngauralo, izwo zwe sumbedza uri ho vha hu Sathane a tshi khou lingedza u ita tshiṇwe tshithu nga vhathu; vhoṭhe vho vha vhakhethwa, vhathu vha Vhakriste.

<sup>35</sup> Huno zwe ita uri vhanzhi vha ri kha nne, “Mukomana Branham, ri na fulufhelo kha iwe na u fhirisa.”

<sup>36</sup> Ngauri, ni a vhona uri mini, nga tshifhiwa tshe Mudzimu a mpha, zwe nda vha ndi tshi nga ita nga izwo? U vhea lushaka kha ndango yanga, kana, vhone vhathu. Zwine ra zwi vhidza lwone *lushaka*, a si “kosmos” nnđa hafha, ndi—ndi zwine zwi nga tatamudzwa na zwiṇwe. Ndi amba Vhakriste, vhatendi vha vhukuma, ndi vhone dzuvha la... Ri amba nga ha *lushaka*, ri funza nga ha “vhathu vho bebiwaho hafhu,” ndi zwine ra amba nga hazwo, lushaka. Hu si muṇwe na muṇwe nnđa hafho, vhone vho tswukala na u tshikafhala vha tshi khou tshila shangoni, izwo zwi—zwi tou vha buse la lifhasi line la khou humela murahu. Ndi khou amba nga ha Vhakriste vho bebiwaho hafhu, vhathu vha re Vhakriste vha vhukuma.

<sup>37</sup> Ndi khou lindela muthu a tshi ḍa kha nne nga ha tshiñwe tshithu. Muñwe muthu o da kha nne a si kale, huno a ri, “Muhumbulo wonoyo muthihi, wa Kristo a tshi pfela fhasi, nga mare Awe, huno a ita matope huno a a ḍodza kha maṭo a muñwe muthu.” A ri, “Ndi zwa vhuada, na tshika hani, Khae u pfela, nga mare Awe u bva mulomoni Wawe! Nga ndila ye zwa vha zwi si zwa mutakalo ngayo, u pfela kha tshika, huno wa ita matope huno wa a vhea kha maṭo a muthu.”

Nda ri, “Fhedzi a vhuaya a tshi khou vhona.” Ni a vhona, ndi zwezwo.

<sup>38</sup> Huno uyo muthu muthihi! O vula khemphe ya vhathe vha sa ambari tsini na nne nga hangei, ni a divha, divhi ḍa u bambela. Huno—huno uyo munna u na thikhithi ya ḋwana muñwe na muñwe wawe u tsa fhasi heneffho huno vha bambela kha iło divhi. Huno ene na mufumakadzi wawe vha ya, navho, kha iło divhi. Ni mpfarele, khaladzi dzanga. Fhedzi hune vhasadzi kha ayo mabambelo, vha no swika qana vhavho, kana mavhili, ḋuvha na ḋuvha; vhasadzi, idzo tshika na zwithu, huno vhasadzi ḡamusi, huno na u kuvha u mona na ayo madi, idzo tshika na zwi ḡengisaho milomoni yavho, na u mila na u dži pfela. Ndi khou to mu ḡoda a tshi mphuphela, ni a vhona.

<sup>39</sup> Vha ri, “Arali—arali Kristo o vha a tshi khou tshila ḡamusi, vho vha vha tshi do vha Nae o fariswa nga nthani ha u sa tevhedza mutakalo.”

<sup>40</sup> Mini-ha nga ha izwo? Ndi na vhutanzi uri ni a pfectesa zwine nda khou amba. Vha ya thwii kha iło bambelo, huno vhunzhi havho vha na malwadze, sifilisi, dorobo, na tshiñwe na tshiñwe, heneffho ngomu. Huno ni tshi zwi pfela nga kha mulomo wanu, na tshiñwe na tshiñwe nga u ralo, huno na u kuvha nga u ralo heneffho. Huno hezwo ndi zwa mutakalo, a thi?

<sup>41</sup> Ngauralo, oo, nne nne, heli ḋuvha ḋine ra khou tshila khalo, mukomana, khaladzi! Ndi tshifhinga tsha u Vhuaya ha Murena! Huno Tshivhidzo tshi na fulufhelo ḋithihi, huno iło ndi u Vhuaya ha Murena.

<sup>42</sup> Zwo ralo, ndi nga si imise hezwo zwithu; a hu na ḡodea. Yone Bivhili kale yo vumba uri vha ḍo vha hone. Ndi nga si vha imise. Fhedzi ndi khou ḡoda Ipfi ḋanga kha rekmodo ngei Tađulu, uri ndo hanedzana nazwo, musi tshifhinga tshi tshi swika tsha Khaṭhulo. Ndo vha ndi tshi lwa nazwo.

<sup>43</sup> Ndi kha ḋi tenda uri kha Bivhili ndi Ipfi ḍa Mudzimu. Zwenezwo a hu na tshithu kha shango, tshi hanedzanaho Nayu, tshire tshi nga I thivha. Fhedzi heyi Bivhili hafha, heyi ndi Ngoho, heli ndi Ipfi ḍa Mudzimu. Ngauralo zwino kha ri kokodze hashu—hashu—hashu u alavha, ri gime lwa tshifhinganyana kha ya mulalo khunzikhunzi ya Vhuawelo ha Tađulu. Huno—huno ri nga alavha matshelo huñwe fhethu, fhedzi kha ri tou gima zwino

huno ri thetshelese kha Ipfi la Khotsi ashu wa Tađulu vhunga A tshi do amba nga kha Ipfi Lawe, ri a themba, ḥamusi.

<sup>44</sup> Huno madekwana a ḥamusi, zwino, ni lugise mbudziso iñwe na iñwe ine na vha nayo. Zwino, hu si tshiñwe tshithu tshine tsha khou ya u vhaisa muñwe. Arali na ita hezwo, zwenezwo... Ndi nga si fhindule heyo, tsha u tou thoma, ni a vhona. Fhedzi inwi, tshiñwe tshithu, ni ri, "Zwo ralo, zwino, arali nda ita *tshiñwe* tshithu, naa Mudzimu uri ri tea u ita hezwi?" Kana, ni a divha, mbudziso ḥukhu mbiluni yanu. Kana, "Ri na dzimpho dži tshi khou tshimbila na riñe, Mukomana Branham, huno ri tea u dzi tshimbidza nga *iyi* ndila kana *ila* ndila? Kana, naa ri tea u ita mini?" Tshiñwe tshithu tshine ndi nga si fhindula murahu nga Luñwalo, ni a vhona. Nwalani tshiñwe tshithu tshiñku. Ndi do takala nga maanda. Huno arali hu si na iñwe, zwenezwo ndi do tou dzhia therò ya luñwe lushaka, huno nda funza kha inwi madekwana a ḥamusi, Murena vha tshi funa. Heyi Swondaha, huno ndo vha ndi...

<sup>45</sup> Swondaha yo fhiraho ndo thoma u ya ha Mukomana Cauble's. Huno nda pfa dílogo ya kereke i tshi lila, huno nda tsa ndi tshi gonya na dzharañani. Ndo vha ndi nga si zwi kondelele. Zwo vha zwi zwenezwo fhedzi. Ndo ni pfa, ngauralo ndo—ndo—ndo to tea u tsa phasi.

<sup>46</sup> Ngauralo zwino kha ri kotamise zwifhañuwo zwashu zwino huno ri ambe na Muvhumbi washu, huno zwenezwo nga ipfi la thabelo. Naa hu na muñwe muthu a na tshi rabeliswa tsha tshipentshela? Itanu imisa tshanda tshanu, ni tou ri, "Ndi..." Itanu zwi divhisa. Mudzimu u ya divha zwi re mbiluni yanu. Zwino itahu dzudza tshirabeliswa tshanu muhumbuloni.

<sup>47</sup> Mudzimu Mukhethwa nga maanda, We a sika Mađadulu na lifhasi nga Ipfi la mulomo Wau, nga ngelekanyo dza muhumbulo Wau. Ri khou da Vhuhoneni Hau, nga kha Yesu Kristo, Murena washu, u nea Iwe ndivhuwo kha zwe thetze zwe Wa ri itela zwone. Huno ri vha livhuwaho kha Iwe, Murena, a no matsheloni, u divha he ra ima hone, u divha vhuimo vhune ra vha khaho ano matsheloni, na divhazwakale ya tshifhinga, na vhumatshelo vhune ha khou da. U divha ḥamusi, uri nga tshilidzi tsha Mudzimu, uri ro tanzwiwa nga Malofha a Khalivari, uri ro lugiselwa, na lutendo mbiluni dzashu, u ṭangana Nae arali A nga da ḥamusi. Ri tea uri, "Kha zwi ralo, ida, Murena Yesu."

<sup>48</sup> Huno ri vhona tshiyhi tsho vhibva, u swika zwi tshi vhonala u nga shango li goba goba phasi ha masiandoitwa a tshiyhi. Nga ndila ine vha ñwa na u gembuña, na vhudakwa, na vhufhedzi, na, O Mudzimu, tshika, vhuada na zwi ḥengisaho zwa vhatu. Huno nga ndila ine vha, arali vha tshi nga u ralo kha izwo zwiambaro zwiñku zwa vhuada, huno vha bvela nn̄da tshiñrañani, na vha a limuwa uri a vha tshithu fhedzi mbungu na buse, uri khañwe nga

inwe vhege mbungu dzi do vha dzi khou la uyo muvhili une vha khou hulisa nga maanda? Naa vha a limuwa uri zwivhungu zwi do u la, huno mimuya yavho i do vha i ngei seli kha U Ya Nga Hu Sa Fheli vha si na Mudzimu, vha si na Kristo, vha si na fulufhelo, vha tshi khou nupela kha ho tsaho, u tou fheliswa fhedza kha u Vhuya Hawe? O Mudzimu, ri fhe ipfi la-la tsivhudzo, uri ri kone u tsivhudza maya muñwe na muñwe kha heyi khombo ine ya khou da.

<sup>49</sup> Ivha na riñe ñamusi. Ri fhe “maipfi a vhuṭali,” vhunga Solomoni o vhuya a ralo kha Muhuweleli, uri ri kone u vha vha “vhafhaṭi vho ṭaifhaho,” uri ri do kona u vha “vhalisa vha sambi.” Huno ndi rabela, Murena, uri vhunga ri tshi ṭoda maipfi a u amba, uri hu do vha na-na vhatsila vhane vha do fara mbilu dzine dza vha na ḫodea nga maanda ano matsheloni.

<sup>50</sup> A ro ngo da u kuvhangana fhasi ha ino thanga i fhisaho namusi, uri ri vhoniwe, fhedzi ri tea u da hafha ngauri ri a U funa, na ngauri ri khou takalela u pfa kha Iwe. Iwe u Mufuñwa washu, huno ri tama u pfa Maipfi kha Iwe. Ri vha livhuwaho kha zwine ra vha nazwo kale. Zwi do dzula na riñe tshifhinga tshilapfu. Zwino ri fhe tshipida tshe Wa ri vhetshela tshone ñamusi, samusi ri tshi lindela kha Iwe. Ri zwi humbela nga Dzina la Yesu, na u itela Ene. Amen.

<sup>51</sup> Zwino ndi...[Khaladzi u khou amba nga dziñwe ndimi. Murathu u fha ḫalutshedzo—Mudz.]

<sup>52</sup> Ri a livhuwa nga hohu u khuthadzwa u bva kha Muya, i ri vhudza na u ri tsivhudza u lavhelesa one Maipfi ane khañwe Muya Mukhethwa u khou ya u amba na riñe ñamusi. Huno a ri ḫivhi zwine O ri vhetshela zwone, fhedzi ri a zwi ḫivha uri hu na tshiñwe tshithu tshine A khou ya u bveledza. Khañwe mbudziso muhumbuloni wañu, ine A do i amba nga hanefho. A nga i amba nga kha Mulaedza ano matsheloni. A nga i amba madekwana a ñamusi kha tshumelo. Ene, huiñwe fhethu ñamusi, U khou lingedza u, u vhonala u nga, u tsivhudza muñwe muthu uri a fare Maipfi.

<sup>53</sup> Zwino u ya kha Ipfi lo ñwaliwaho, kha ri ye kha Bugu ya Ekisodo, u itela tshikolo tsha Swondaha.

<sup>54</sup> Naa ni na tshumelo ya ndovhedzo ñamusi? [Mukomana Neville u ri, “Hai, hu si u swika nga awara ya rathi ntha ha tshithoma ano madekwana.”—Mudz.] Hai. Ndovhedzo ya madi nga awara ya rathi a no masiari.

<sup>55</sup> Kha ri ye kha ndima ya vhu<sup>17</sup> ya Ekisodo, huno ri thome nga—nga ndimana ya vhu<sup>5</sup>, ndi a tenda, vhu<sup>5</sup> na vhu<sup>6</sup> ya ndima ya vhu<sup>17</sup> ya Ekisodo.

*Huno MURENA a ri kha Mushe, I ya phanda ha vhathu, huno u dzhie vhahulwane vha Isiraele; huno lubada lwaui, hune iwe wa do rwa mulambo, wa dzhia tshanda tshau, huno u ḫuwe.*

*Vhonani, ndi do ima phanda hau...kha tombo ngei Horebe; huno...u do rwa tombo, huno hu do bva madi khalo, uri vhathe vhanwe. Huno Mushe a ita nga u ralo phanda ha vhahulwane vha Isiraele.*

<sup>56</sup> Zwino arali ndi tshi vhidza hezwi liñwala la Tshikolo tsha Swondaha, ndi do takalela u dzhia hezwi sa theroy matsheloni ano, *Madi A Dzulelaho U Vha Hone Kha Tombo*.

<sup>57</sup> Ri a zwi divha uri Isiraele yo dzulela u vha tsumbo ya divhazwakale kha tshivhidzo. Ngauri, Isiraele ho vha hu vhathe vha Mudzimu u swika vha tshi bva nn̄da ha Egipita, huno vho vha vha tshivhidzo tsha Mudzimu ngauri vho vha vho fhandekanywa u bva kha shango lothe.

<sup>58</sup> Huno musi ro fhandekanywa u bva kha shango lothe, zwenezwo ri vha tshivhidzo. Fhedzi tenda ra vha ro farekana na shango lothe, zwenezwo a ri ho kha tshivhidzo. Zwino ndi fulufhela uri izwo zwi a dzhena vhukuma, zwa wana fethethu hazwo. Ni a vhona, a ri tshivhidzo u swika ri tshi fhandekanywa na shango. U difhandekanya, ibvani kha vhathe vha songo kunaho, ni songo farekana navho, nahone ni songo vha na mukovhe kha zwivhi zwavho. Ni songo farekana na vha sa tendi, fhedzi difhandekanyeni kha zwithu zwa shango.

<sup>59</sup> Huno musi Isiraele vha Egipita, vho vha vha vhathe vha Mudzimu. Zwenezwo musi vho vhidzelwa nn̄da, kana vho vha na ekisodo, u bvela nn̄da, zwenezwo vho mbo vhidzwa tshivhidzo, ngauri ho vha hu zwone he vha difhandekanya kha vhone vhañe u bva kha shango lothe.

<sup>60</sup> Huno ipfi lenelo *tshivhidzo* zwi amba “u vhidzelwa nn̄da.” *Ekisodo*, “u bvela nn̄da.” Muñwe na muñwe washu, sa Vhakriste, ro no vha na ekisodo matshiloni ashu. Ro vha na tshifthinga tshe ra vhidzelwa nn̄da kha vhe ra vha dowela, u vhidzelwa nn̄da kha vhathe vhe ra vhuya ra ledzana navho, huno ra vha vhathe vho fhambanaho, u tshimbila na vhathe vho fhambanaho vhe vha difara nga ndila yo fhambanaho nahone vha amba nga ndila yo fhambanaho. Ho vha hu ekisodo matshiloni ashu.

<sup>61</sup> Tsumbo yavhudzi nga maanda ye Isiraele ya ri fha, ya musi Mudzimu a tshi vha vhidzela nn̄da. Vho vha vha na ekisodo, huno vha bva vhukati ha—ha vhathe vha shango, huno vha vha lushaka lwo fhambanaho, kha Mudzimu, vhathe vho fhambanaho. Vho tshimbila fhasi ha mirunzi ya tshidulo tsha khathutshelo. Vho tshila na u tshimbila nga Khavhu ya Mulilo khulwane. Huno Mudzimu a vha bvisa Egipita, kha shango le A vha fulufhedzisa.

<sup>62</sup> Huno kha heyi exsodo, vho newa murangaphanda wa tshimuya, murangaphanda, ane a vha Mushe, muporofita o qoliswaho zwihiulu we a vha a—a munna muhulu. O vha a munna mukhethwa, o bebiwa a munna mukhethwa. Mudzimu vho mu vhidza u bva kha mme awe, na phanda ha itsho tshifthinga;

Mudzimu vho mu ta phanda ha musi shango li sa athu tewa, u vha murangaphanda wa uyo murafho, u disa ino exsodo kha vhathu.

<sup>63</sup> Hafha tshiñwe tshifhinga, ndo amba na vhana vhatuku hafha kha thaberenakele, huno o vha a na mulaedza muñuku wavho; huno a vhudza, kana a ñea ñhalutshedzo ñukhu ya uri Joshebede, nga ndila ye a rabela, ene na Amuramu wawe, khotsi a Mushe, nga ha u ita tshiñwe tshithu nga ha u vhofholola vhathu. Huno Amuramu a vhona bono la Mudzimu o ima, kana Muruñwa, o sumba devhula, huno a mu vhudza zwine zwa ño itea. Huno Mushe muñuku a bebiwa. Huno vha si ofhe milayo ya khosi, kana u shushedzwa. Vho zwi ñivha uri Mudzimu o vha a na tshanda Tshawe kha Mushe, huno hezwo zwo lïladza. Ndi zwone. Zwi si na ndavha na zwe khosi ya amba, zwe shango la poñotiki la amba, zwe tshiñwe tshithu tsha amba, vho ñivha Mudzimu na tshanda Tshawe kha Mushe. Ngauralo vho vha vha sa ofhi u mu vhofholola, vhukati ha dzingwena; musi dzo vha dzo tou khwatha nga vhana vhatuku vha Vhahevheru, musi vho vha lisa nga dzingwena nnnda heneffo. Huno naho zwo ralo Mushe a vheiwia kha gungwa liñuku huno a rumelwa kha nnnda vhukati ha dzingwena, heneffo vhukati hadzo. Ngauri, vho vha vha sa ofhi tshithu, vho zwi ñivha uri Mudzimu o vha a na tshanda Tshawe kha Mushe.

<sup>64</sup> Zwo ralo, zwino, arali ra nga tou ñivha tshenetsho tshithu tshithihi, uri Murangaphanda washu muhulwane, wone Muya Mukhethwa, Mudzimu o Mu ruma. Huno Ndi ene Murangaphanda washu. Hu si na ndavha na zwine shango la amba, huno zwi si na ndavha uri vha ni sea zwi ngafhani na u ni nyefula, ri tevhela Murangaphanda washu! Mudzimu o rumela Muya Mukhethwa uri u vhe Murangaphanda washu. Ni a vhona? “Huno hu si kale huno shango a li tsha ño Mboma. Naho zwo ralo ni ño Mboma, ngauri Ndi ño vha na inwi, na kha inwi, u swika vhufheloni ha shango.” Ngauralo, Murangaphanda washu u na rine, wone Muya Mukhethwa. Zwino ri tea u tevhela hoyu Murangaphanda washu huno ra ita sa zwine A ri ri ite. Huno hoyu Murangaphanda a nga si vhuye a ri khelusa ndilani, U ño ri dzudza hanefha kha ndila ya Mañwalo tshifhinga tshoþhe. Fhedzi a nga si vhuye a bvela inwe thungo u itela tshiñwe tshithu, huno inwe thungo u itela tshiñwe tshithu. U ño dzula thwii kha gondo la Mañwalo.

<sup>65</sup> Huno Mushe o vha a na mushumo wa u dzhia Iisraele, huno a tevhela zwenezwo u swika u mona na Lwanzhe Lutswuku, u mona na Jorodane, u swika kha shango lo fulufhedziswaho, u ya nga kha soga. Ho vha hu si Mushe we a bva ndilani. Ho vha hu si Mudzimu we a bva nnnda ha ndila. Ho vha hu vhathu vho bvaho ndilani, zwe zwa vhanga khakhathi. Ngauralo, kha ri humbule nga ha hezwi zwithu zwino. (Ni mpfarele.)

<sup>66</sup> Mushe, sa murangaphanda wa lushaka. Mafhedziseloni, musi o no sumbedza kha vhathu, nga zwiga na vhutolo, uri Mudzimu a eṭhe a nga zwi ita, o ita hezwi zwiga na vhutolo phanda ha vhahulwane vha Isiraele, na phanda ha Isiraele, u swika vha tshi fushea uri hoyu Mushe o vha a mułodzwa we a vha a tshi tea u vha bvisa kha heli shango, kha ilo shango le vha fulufhedziswa. Zwenezwo vha vhona hezwi zwithu zwiħulu zwe Mushe a ita nga dzina la Mudzimu, vho vha vha tshi khou funa u mu tevhela. Huno a vha bvisa, a vha rangaphanda nga kha Lwanzhe Lutswuku, u buda, ho vha hu kha shango lo omaho, huno kha lwendo lwa soga, zwine zwa amba zwifhinga zwa u lingwa.

<sup>67</sup> Musi muthu a tshi ḥanganedza Kristo sa Mutshidzi wawe, tshiñwe na tshiñwe tshi maṭhakheni. Fhedzi, phanda ha musi muthu a tshi nga da kha ndovhedzo ya Muya Mukhethwa; hoyu muthu, u tea u vha na u fhira kha u khethefhadzwa. U tea u vha na tshifhinga tsha u lingwa kha vhutshilo hawe. Vhoinwi noṭhe no vha natsho. O vha na hetshi tshifhinga tsha u lingwa. “Murwa muñwe na muñwe ane a da kha Mudzimu, u thoma a lingwa, nyambudzwa, onyoloswa. Huno arali ri sa koni u imela u nyambudzwa, zwenezwo zwi sumbedza uri a ri vhana vha Mudzimu; ri vhana vha khangamutupo, huno hu si vhana vha Mudzimu,” huno Bivhili i ralo. Fhedzi arali ra nga imela u nyambudzwa, ri tshi ḥivha u ri “zwithu zweṭhe zwi a shumisana u itela zwivhuya kha avho vhane vha funa Mudzimu,” zwenezwo ri vharwa na vhananyana vha Mudzimu, zwenezwo U ya ri pfunela nga Muya Mukhethwa u swika duvha la thengululo. Ni a vhona, ndi hone u nyambudzwa, u onyoloswa, zwithu zwine ra fhira khazwo.

Huno Isiraele, sa tsumbo ya ḥivhazwakale, yo tea u dzhia hohu u nyambudzwa.

<sup>68</sup> Zwino, musi vho vha vha fhasi Egipita, huno Mudzimu a rumu Mushe. Huno a imisa lubada, huno thunzi na magonōno zwa da. A imisela thungo ya duvha, huno la kovhela. A lu imisela kha madi, huno a vha malofha. Mulandu, Isiraele o vha a Kanana...nga ngei—ngei Gosheni, vha tshi khou vha na tshifhinga tsha vhugala; duvha a lo ngo kovhela, maṭhupho ha ngo vha govhela; mulandu, vho vha vha tshi khou vha na tshifhinga tshavhuđi!

<sup>69</sup> U tou fana na zwe na ralo musi ni tshi thoma u tshidzwa. Tshiñwe na tshiñwe, zwiñoni zwo imba nga ndila yo fhambanaho huno muñwe na muñwe o vha a wavhuđi. Huno, oo, nne nne, nga ndila ye tshiñwe na tshiñwe tsho vha tshi tshavhuđi musi ni kha di bva u tshidzwa! Zwenezwo ha da tshifhinga tsha u lingwa, u nyambudzwa, tshifhinga tsha u khethefhadza, u ḥikhethethefhadza kha zwithu zwa shango, “u vhetshela thungo muhwalo une wa ri lemela zwo leluwa.” Inwi, muthu, no do tea u litsha u daha hanu, u litsha u nwa hanu, u litsha u ya hanu lufherani lwa mitambo,

madikiṭa a magaraṭa a vhusiku hoṭhe. Izwo zwithu zweṭhe, no do tea u dikhethefhadza khazwo, nga lutendo kha Malofha a Yesu Kristo. U dikhethefhadza! Vhoinwi vhasadzi no do tea u tendela mavhudzi aṇu a hula, u lapfisa rokho dzaṇu, huno na ḥifara nga ndila yo fhambanaho kha zwe na vha ni zwone. Tshifhinga tsha u khethefhadza! Zwifhinga zwinzhi vho vha vha tshi do ita tshikhuna vha humela murahu; zwe ralo, uyo a si ḥwana wa Mudzimu, ni a vhona. ḥwana wa Mudzimu u lavhelesa twititi ngei Khalīvari, huno a zwi ḥivha uri ndi zwa vhudi hawe.

<sup>70</sup> Ngauralo zwenezwo itsho tshikhathi tsha tshifhinga, ndi hune u wa huhulwane ha da, ngei Isirale. Musi hohu u kuvhanganelwa ha tshifhinga, zwenezwo vhatu vha thoma u wa, u bva kha luṇwe luṭa u ya kha luṇwe. Zwenezwo kha u amba havho, “Zwo ralo, ri tama ro vha ri fhasi ngei Egipita. Mimuya yashu yo ṭulutshelwa hetshi tshinkwa tsho leluwaho.” Nga maṇwe maipfi, arali nda zwi dzhia lwa ḥivhazwakale zwino, ndi zwe vha amba.

<sup>71</sup> Zwino kha ḥuvha ḥa musalauno, zwi ḥo vha, “Oo, ḥavhuraru ḥiṇwe na ḥiṇwe nga madekwana, muṭangano wa thabelo! Matsheloni maṇwe na maṇwe nga Swondaha, murahu tshivhidzoni! Naa ri pfa min? Tshithu tshi fanaho; mureri u ya ima a rera; dzinyimbo; a humela murahu.” Ni a vhona, ni khou tou tshimbila nga mutalo wa mushumo. A ni muloshi. Muloshi u ya heneffo u losha, u ḥivhonadza phanda ha Mudzimu wawe, u renda Mudzimu u itela vhudi Hawe; kha Ipfi ḥiṇwe na ḥiṇwe, u nambatela Khało.

<sup>72</sup> U tou fana na mafhungo a lufuno. Arali no vha ni khou tshimbila ngauri ni a zwi ḥivha uri ndi mushumo, kana ni khou bva na mutukana, musi no vha ni muṭuku. “Mma vha khou ḥoda ndi tshi ḥuwa na hoyu mutukana, fhedzi ndi nga si kone u mu vhona.” A ni wani tshithu khae a tshi da u ni vhona. Kana, arali zwi nga ndila i fanaho kha musidzana u ya kha mutukana, kana mutukana u ya kha musidzana. Ni ḥuwa nae, u ya ni bora; mma vha khou ḥoda ni tshi ḥuwa nae nga u ri ndi lushaka lwa musidzana ane mma vha mu takalela. Ni a vhona, zwi a ni bora; a hu na lufuno. Fhedzi a ni na ndavha, a ni ḥodi u ḥambā, a ni ḥodi u mu vhona. Huno ndi... Mulandu, ndi tshithu tshivhi. Huno musi a tshi da u ni vhona, nne, ni tou tama a tshi nga ḥavhanya, a ya hayani.

<sup>73</sup> Zwi a fana na musi ni tshi, “Ndi ngani a tshi funza nga maanda? Mini-ha nga ha *hezwi* zwithu zweṭhe, na tshiṇwe na tshiṇwe?” Ni a vhona, a ni ho kha lufuno.

<sup>74</sup> Fhedzi musi ni tshi farelela kha Ipfi ḥiṇwe na ḥiṇwe, sa musi Muya u tshi ni fha tsivhudzo ano matsheloni, ni a vhona, “U farelela kha Ipfi ḥiṇwe na ḥiṇwe.” Izwo zwi nga vha zwe zwa vha A tshi khou amba na inwi nga hazwo. Farelani! Ndi Vhutshilo Vhu Sa Pheli, Ipfi ḥiṇwe na ḥiṇwe ḥa Mudzimu. Ndi dakalo u ya

tshivhidzoni, fhasi ha nyimele iñwe na iñwe. Kana hu khou fhisa, rothola, u fhambana, kana vhathe vha khou ñaña, gungula, tshiñwe na tshiñwe tshe vha vha vha khou ita, zwi kha divha dakalo u pfa Ipfi la Murena. Zwenezwo ni kha lufuno na Kristo, ni a vhona, ni funa u ya tshivhidzoni.

<sup>75</sup> “Zwo ralo, mufuñwa, hafha ndi Swondaha nga matsheloni hafhu, Ndi a kholwa ri tea u ḥanzwa vhana huno ra tsa fhasi heneffho. Nñe, zwi khou bora!” Ni a vhona, a ni ho kha lufuno.

<sup>76</sup> Fhedzi arali ni kha lufuno zwa vhukuma, ni tou vha ni nga si lindele u swika Swondaha i tshi swika, ni tou tea u tsa fhasi navho. Huno ra swika, huno u ḥuwa... Vhone vhathe vha Mudzimu, a vha ni teledzisi. Mulandu, ndi—ndi khaladzi na vhakomana vhanu. Vhunga ndo vha ndi tshi anzela uri, “Ni nambatela sa mutoli wa Sorghum nga matsheloni a phepho.” A—a u lembuwi, u tou nambatela, ni a divha, wa farelelana. Zwino ndi li ambele li si ḥavhuđi, fhedzi ndi—ndi—ndi u lingedza u ni divhisa zwine nda khou amba, ni a vhona. Ni a farana. Huno musi hu tshi ñaña u rothola, tou ñaña u nambatelana. Huno ndi nga ndila ine zwa tea u vha kha riñe. Hu tshi rothola...

Musi khonani dza lifhasi dzo u ḥutshela,  
Hu kha di vha tsini Naye zwinzhi ndo  
nambatela.

<sup>77</sup> Huno zwine ra funa, muñwe na muñwe, a si ngauri ri vhañwe vhathe; fhedzi ndi Kristo nga tshashu, ane ra mu funa, ni a vhona. Ndi Mudzimu a re kha vhumuthu hashu, ane ra mu funa. Zwino ri a funa u kuvhangana. Ro vha ri tshi anzela u imba luimbo lwa kale:

Mashudu tshivhofhekanyi tshi vhofhekanyaho  
Mbilo dzashu nga lufuno lwa Tshikriste;  
Vhuledzani ha muhumbulo muthihi  
Vhu nga uvho ha N̄tha.

Ni avhona, vhuledzani ha muhumbulo muthihi vhunga uvho ha N̄tha.

Phanda ha khuluñoni ya Khotsi,  
Ri tevhula thabelo dzashu dzo dzivhafhalaho;  
Nyofho dzashu, fhulufhelo ḥashu, zwipikwa  
zwashu ndi zwithihi,  
U khuthadzwa hashu na ndondolo yashu.

<sup>78</sup> Ni a vhona? Ee, mune wanga! Musi muthihi o vha na phathutshedzo, rothe ri a takala nga hazwo. Musi muthihi o tungufhala, ri tungufhala nae. Ri, rothe ri ḥoda u vha tshithu tshithihi. Zwino ndi nga ndila ine ra tea u vha ngayo.

<sup>79</sup> Huno ndi nga ndila ine Isiraele a tea u vha ngayo. Fhedzi zwa vha muhwalo, “Oo, hetshi tshinnkwa tsha kale tshi leluwaho, tshinnkwa tsha Vharuñwa! Zwo ralo, ri londani nga itshi tshinnkwa tsha kale tsho leluwaho? Mimuya yashu i tama izwi

zwithu! Huno tshiñwe na tshiñwe tsho khakhea. Huno—huno heyi mana ya kale ine ya wa vhusiku vhuñwe na vhuñwe, mulandu, ri nga lamba ra vha na iñwe galiki na nyala ngei Egipita.” Ni a vhona, mbilu dzavho dzo vha dzi songo lugela lwendo.

<sup>80</sup> Huno musi munna kana musadzi a tshi thoma u gungula nga ha u ya tshivhidzoni, vha neta nga maanda nga u ya tshivhidzoni, a vho ngo lugela lwendo. Ndi zwone. Hu na tshiñwe tshithu tsho khakheaho huñwe fhethu.

<sup>81</sup> Oo, musi ni tshi funa Mudzimu, huno na humbula uri ri khou ya Tađulu, huno noþe ni khou ya!

Ndi vhuñedzani-de, ndi dakalo likhethwa hani,  
O disendeka kha Tshanda tsha lini na lini;  
Oo, mulalo wo fhañtshedzwaho hani na  
Murena wanga u tsini,  
U disendeka nga Tshanda Tshawe tsha lini na  
lini.

Yone a... Ri imba idzo ngosha.

Ri kovhelana mañhupho ashu,  
Mihwalo yashu ine ra hwala;  
Huno ra farisana nga tshashu  
Miñodzi ya u pfela vhuñungu.

Musi ri tshi fhambana,  
Zwi ri nea vhuñungu ha nga ngomu;  
Fhedzi ri kha ñi ño vha vhatihhi mbiluni,  
Huno ra fulufhela u ñangana hafhu nga  
tshifhinga tsha muñangano wa thabelo u  
daho. (Ee, mune wanga, ri kha ñi vha ro  
ñumana mbiluni!)

<sup>82</sup> Zwino ni khou lugela lwendo, ni a vhona, no lugela u ya kha Shango lo fulufhedziswaho. Zwone zwifhinga zwa u linga, khefho fhethu ha khombo; soga, zwifhinga zwa u lingiwa.

<sup>83</sup> Isiraele, nga tshifhinga tshawe tsha u lingiwa, vha thoma u ñaþa na hanedzana nga tshavho, nahone vha tshi gungulela vhurotho. Huno vho vha vha tshi khou ñoda u humela murahu Egipita.

<sup>84</sup> Huno zwenezwo vha thoma u gungula nga ha murangaphanda wavho. Oo, vho vha vha tshi khou ofha uri u khou vha khelusa; nga murahu ha musi o no zwi sumbedza uri ndi murangaphanda, huno Mudzimu o no tikeda uri o vha a murangaphanda. “Zwo ralo, khamusi ro ñifara sa vha vhusweleli. Huno—huno ro kheluwa khañwe, roþe kha gondo li si lone,” kana, tshiñwe tshithu tsha u ralo, ni a vhona, vho vha vha tshi khou gungulela Mudzimu na Mushe, Mudzimu na murangaphanda Wawe.

<sup>85</sup> Zwino musi ri tshi swika fhethu, a tshi ri, “A thi ḋivhi uri kana Ipfi li amba *Izwi*, kana hai,” huno, “A thi ḋivhi tshithu nga ha Muya Mukhethwa; ndi na u tima-tima hanga nga ha Hezwo. Ndi a zwi ḋivha uri vhañwe a vha ralo.” Zwo ralo, u ya Egipita. Ni a vhona?

<sup>86</sup> Fhedzi arali no divhudza u dzula ndilani, dzulani na hoyu Murangaphanda, Muya Mukhethwa, dzulanai na Ipfi. Huno arali na dzula na Muya, u do ni dzudza kha Ipfi. Ndi zwone. U do ni tshimbidza u tsa u mona na mutalo, ndila ya Ipfi. Huno ni songo Zwi ofha. A zwi nga vhaisi tshithu, U do ni thusa arali no vhaisala. U do fhodza zwilonda zweþhe, Muya Mukhethwa u do ralo.

<sup>87</sup> Zwino ri wanulusa uri, nga kha heli gondo, nga murahu ha musi vho vha nga u ralo, vha swika fhethu ha Horebe. Huno Ho-r-e-b-e, Horebe, zwenezwo ri wanulusa... Kha ri talutshedze helo dzina. Ndi hune lone—lone dzina *Horebe* li amba “fhethu ho omaho” kana lone “soga.”

<sup>88</sup> Huno musi ri tshi bva kha vhuþama hashu tshivhidzoni, na nn̄da ha vhuþama na Muya Mukhethwa, zwi ri disa kha fhethu ho omaho, soga, a hu na tshi tshilaho, tshinwe na tshinwe tshi na zwivhengwa khatsho. Ni a vhona, lone—lone soga, tshipida tshituku tsha kakituse tshi na zwivhengwa khatsho. Naa ni a zwi ḋivha uri izwo ndi mini? Ndi l̄avhuði þari litete line a li athu vha na madi, li tou diputela nga u onyana vhukuma u swika li tshi vha zwivhengwa. Huno musi ni tshi vhona muñwe muthu nga u ralo, khañwe ndi maya wavhudi une u nga vha wo sheledzwa nga ndila yone, u nga vha u þari lituku litete kana tshinwe tshithu. Fhedzi madzuloni a hezwo, li a diputekanya u swika li tshi vhengwa, u tou þavha tshinwe na tshinwe, ni a ḋivha, u wana mulandu. Tshithu tshi tshoþhe tshine la þoda ndi madi. Ndi zwenezwo fhedzi. Li tou þoda yone—yone mvuseledzo, kana u phuðunyea, u vusuludzwa nga Murena. Li do—li do onyolowa lone line, arali na tou li vhea madini.

<sup>89</sup> Fhedzi, ndi hafho hune avho vhane vha tshila kha ayo mafhethu vha tea u tambula hedzo nyimele dza hafho fhethu. Na avho vhane vha tama u tshila kha mufhe wo raloho, hune tshinwe na tshinwe tshi sokou þavha na u þata, na u kokodzela thungo na u konqdisa nga u ralo, zwo ralo, ni do tou tshila kha uyo mufhe, ndi zwenezwo. Fhedzi a ri tei u tshila heneffo, a zwi tou vha khombe-khombe uri ri dzule afho.

<sup>90</sup> Zwino, hafha Horebe ho vha hu fhethu he Mudzimu a nyamiswa nga vhathu, ngauri vho vha vho tendeleka na hafha fhethu huno vha dzhena kha heyi nyimele. Huno A vha disa u mona nayo, ngauri vho vha vha nga si tshimbile kha ndila. Vha thoma u bva kha—kha ndila khulwane, vha bvela kha heyi inwe ndila. Huno zwenezwo zwa vhanga uri Mudzimu a ite tshinwe tshithu tshe tsha vha tshi tshi ofhisia. Ene...O vhanga uri

Mudzimu a vhe na Mushe uri a dzhie lubađa lwa khađhulo lwe a hađula lushaka ngalwo, huno a rwa Tombo, uri li bveledze mađi.

<sup>91</sup> Zwino, hu na ngudo yavhuđi nga maanda arali na nga tou i wana, ni a vhona. Huno ngauri ri bva ndilani, ro vhofhea nga shango, na zwithu, zwo kombetshedzä Mudzimu uri a ite khađhulo dza shango huno a rwe Murwa Wawe Ene-muňe ngadzo, ngei Khalivari, uri ri kone u vhofholowa. Ni a vhona zwine nda khou amba?

<sup>92</sup> Zwino, uri ri kone u wana havha vhatu kha manwe mađi, nga murahu ha musi vho no swika fhala, a fha fhethu ho omaho ho itwaho Khalivari. Huno henehfo Mudzimu a vhudza Mushe, A ri, "Dzhia lubađa na vhahulwane, huno u ye phanđa, huno ndi do ima kha Tombo phanđa hau." Huno heli Tombo ho vha hu Kristo. Huno Mushe, nga lubađa lwe a disa khađhulo kha lushaka lwa Israele ngalwo, huno a dzhia lubađa lutihhi a rwa khađhulo dza Mudzimu kha Tombo. Ni a vhona? O dzhia zwivhi zwa vhatu kha ulwu lubađa. Zwine, o vha o tea o rwa vhatu. Madzuloni a u rwa vhatu, a rwa Tombo. Huno Tombo, nga kha mushumo wa Mudzimu, la disa tshidzo, la disa mađi kha vhatu vha lovhaho. Lo disa vhutshilo kha vhatu vha vhafaho. Huno ndi zwe Mudzimu a ita nga u dzhia Lwawe—Lwawe lubađa lwa thanda lwa khađhulo, huno a putela zwivhi zwanga na zwivhi zwanđu u mona na ulwu lubađa; musi lwo vha lwo tea u rwa rine, fhedzi lwo rwa Kristo; uri u bva Khae hu bve *mađi*, zwine zwa amba "Muya," wone Muya Mukhethwa wo bva Khae, u ri nea Vhutshilo. Zwino ri na Vhutshilo Vhu Sa Fheli. Zwino, lone Tombo ho vha hu Kristo. Zwino ri ḥoda u dzhiela nzhele.

<sup>93</sup> Ndo no vhona miolo minzhi ya mihumbulo ya ńama kha heli Tombo. Ndo vhona ińwe ine ya vha yo ńanesaho, a si kale, u swika hu tshi vha—vha na tombo liđuku lē la vha li ńtha ha tshikwara. Huno—huno Mushe o vha o tea u rwa heli tombo, huno Israele o vha a fhasi hangei na bigiri ya lufhiso, a tshi vha wanela lufhiso kha hokwu kudambwana kwe kwa elela u bva kha heli tombo. Zwino uyo u tou vha muhumbulo wa muňwe muthu.

<sup>94</sup> Fhedzi musi ili Tombo li tshi disa mađi Alo, ho vha hu na vhatu vha fhiraho miljoni mbili, nga nnđa ha dziphulu, gamela, na tshińwe na tshińwe tshe tsha ńwa zwidambwana zwa mađi u bva KHALO. Ho vha hu tshisima tshi phuđunyaho u bva henehfo!

<sup>95</sup> Ndi nga ndila ine vha lingeda u ita Kristo, wone Muya Mukhethwa ńamusi. "Hu tou vha kudambonyana." Ni a vhona, wo edanaho u ni ita uri ni tende uri hu na Mudzimu. Hai.

<sup>96</sup> Ndi vhunzhi ha Mađi! Davida o ri, "Tshińwelo tshanga tsho dala lwa u ȳala!" Hu tou vha u phuđunyea ha Muya Mukhethwa.

<sup>97</sup> Vhatu vha khou U ofha. Vhańwe vhatu vha ri, "Zwo ralo, ndi khou tou ofha uri ndi do ita *hezwi* kana *zwila*, kana arali zwa itea nda dzenesa nga maanda. Ndi nga ni sumbedza uri muńwe

muthu o yesa.” Fhedzi a ni vhuyi na sumbedza uri muñwe ha ngo ya kule lwo edanaho. Ni a vhona? Ee, mini-ha nga ha avho vha so ngo yaho kule lwo edanaho?

<sup>98</sup> Zwino, ro vha na vhañwe vhathe vhe vha dzhena ñamani, huno vha thoma nga mulenzhe u si wone. Huno—huno hu si Mudzimu, fhedzi vhathe vho vha... Nga nñhani ha vhathe vha ñamani, na zwiñwe zwinzhi, zwa vha ita uri vha thome nga mulenzhe u si wone, huno vha ya kha vhusweleli ho kalulaho. Huno zwenezo shango lothe, diabolo a vha sumbedza vhone, “Ni a vhona izwo! Ni a vhona izwo!”

<sup>99</sup> Zwo ralo, irani ndi ime ano matsheloni ndi sumbe murahu kha hedzi milion i dza mahumi nga u anda u fhira na u vhuya vha ita mathomo. Mini-ha nga havho? Ni a vhona, lavhelesani kha nyimele yavho. Lavhelesani kha muthu a ngaho Eichmann ñamusi, a re na ya nñhesa... Vha ri, “Vhapentekostala a vha pñsesi na a vha na mikhwa, nahone a vho ngo funzea,” na zwi ngaho zwenezwo. Lavhelesani Eichmann, muñwe wa vhathe vho funzeesaho shangoni. Huno u hañulela lufuni, vhana vha milioni dza rathi na vhasadzi na vhanna, mimuya ya milioni dza rathi. A ni ñodi u sumba kha muthu a ngaho uyo.

<sup>100</sup> Fhedzi muñwe muthu we a vha a sa koni u vhala, kañuku, a vhidza khanwe liñwe dzina la Bivhili nga ndila yo khakheaho, huno, kana khanwe a amba tshinwe tshithu kana a ita tshinwe tshithu tsho khakheaho, kana a ita dzinwe phoso, magurannda a ñoda u dzi ñwala huñwe na huñwe, huno vha ri, “A vha tei u thembiwa.”

<sup>101</sup> Zwenezwo arali izwo zwi si nga thembiwi, mulandu hu si pfunzo, zwithu na vhuñali hune vha vha nazwo ñamusi? Lavhelesani kha Adolf Hitler. Lavhelesani kha maluvhi a shango ñamusi. Vha lavheleseni. Li ambaele la ri, “Tshilume na tshisadzi na kha zwi fariwe u fana.”

<sup>102</sup> Tshithu tshine na tea u ita ndi u kona, nga Muya Mukhethwa, u khethekanya zwi re zwone na zwo khakheaho, huno na dzhia zwi re zwone na zwo khakheaho.

<sup>103</sup> Zwino, ri wanulusa uri heyi Khalivari ine vho vha vha nayo, na madi a vhutshilo o phudunyuwelaho vhathe.

<sup>104</sup> Zwino, vhañwe vhathe vha nazwo kha muhumbulo wavho na mbili, uri Israele yothe yo ñwa, huno vha doba dzigamelia dzavho huno vha vhofha mifaro yavho kha bere dzavho, na zwiñwe zwinzhi, huno vha dzhia vhana vhavho vha pñfulutshela huñwe, huno vha si Tombo heneffo, li tshi phudunyea. Zwo khakhea.

<sup>105</sup> Heño Tombo lo vha tevhela, huno na ayo madi o vha tevhela. Zwino kha Vhakorinta vha u Thoma, ndima ya vhu<sup>10</sup>, ndi a tenda, na ndimana ya vhu<sup>11</sup>, ni nga zwi wana, uri “Ilo Tombo lo tevhela Israele.” Huñwe na huñwe he vha ya u bva ilo duvha u ya phanda, Tombo lo ñuwa navho, na madi a vha tevhela.

<sup>106</sup> Tshifanyiso tshavhuđi hani, na tshone—tshone tsha u farelela na u gima kha mutendi namusi, ane a divha uri iļo Tombo le la vhuya la rwiwa, ayo Mađi e a vhuya a tevhua u bva ngei Khalivari, a tshimbila na riņe huňwe na huňwe hune ra vha hone. Yawee, nne nne! A si u humela murahu huňwe fhethu, huno wa ri, “Zwo ralo, ro vha na Mađi mbamulovha, nga hafho.” Ri na Mađi namusi, hanefha, ngauri iļo Tombo ho vha hu Kristo! Huno Kristo ha shanduki mulovha, namusi, na lini na lini.

<sup>107</sup> Ni a vhona, iļo Tombo lo tevhela Isiraele. A vho ngo vhuya vha tevhela Tombo, fhedzi Tombo lo tevhela vhone. Amen. Isiraele o bvela phanda kha lwendo lwawe. Vho vha vhe na tshithu tshithihi tsha u ita, ndi, dzulani ndilani, heneffo tswititi kha shango la pfulufhedziso. Huno Tombo na mađi zwa vha tevhela.

... lone Tombo li tshi vha tevhela: ...

Vhakorinta vha u Thoma i ya ni vhudza nga u ralo, ndima ya vhu<sup>10</sup>. Zwo luga.

... iļo Tombo ho vha hu Kristo.

<sup>108</sup> Mudzimu o dzhia khatħulo dza vhatħu a dzi vhea kha Kristo, huno a Mu rwa. Naa no džhiela nzhele, ho vha hu na mulonga kha Tombo, u bva zwenezwo? Tombo lo vha li na mulonga khalo, he Mushe a rwa. Huno Kristo o vha a na mbonzhe, musi A tshi rwiwa, “O rwelwa vhutshinyi hashu, huno nga ntho Dzawe ro fhodzwa.” U bva kha uvho Vhutshilo ha da Mađi a Vhutshilo ane ra diphina ngao namusi!

<sup>109</sup> Zwino, u itela u wana hovhu Vhutshilo, elelwani, Vhutshilo ha Kristo vhu dzula na Tshivhidzo. Haleļuya! Oo, arali ra nga tou isa mihungulo yashu heneffo lwa minete ya fumi! Kristo ha ḥutsheli Tshivhidzo. “Ndi do vha na vhoiñwi tshifhinga tshoħe, na u swika mugumoni wa shango.” Ndi vhatħu vhane vha ḥutshela Kristo, hu si Kristo a tshi ḥutshela vhatħu. Vhatħu vha a Tshi ḥutshela, nga u sa tenda havħo. Vha ḥutshela Kristo, hu si Kristo a tshi ḥutshela vhatħu.

<sup>110</sup> Isiraele o ḥutshela tħisima, hu si tħisima tshi tshi ḥutshela Isiraele. Ni a vhona? Ngauri, yone Bivhili i amba zwi khagala uri, “Tombo na mađi zwo tevhela Isiraele.” Zwo vha tevhela! Huňwe na huňwe he vha ya, Lo ya, nalo-vho.

<sup>111</sup> Oo, ndi nga takalela, ano matsheloni, arali ro vha na tshifhinga, u ya kha ndima ya vhul ya Yoshuwa, hune A ri, “Huňwe na huňwe hune vhukando ha milenzhe ya vhoiñwi ya do kanda, ndi do ni fha hone. Huňwe na huňwe hune wa do ya, Murena Mudzimu wau u na iwe. Ni songo ofha muthu na muthihi. Ivha a ḥtuwedzeaho! Heneffo hune na kanda, Ndi heneffo na vhoiñwi, zwi si na ndavha uri ndi gai.” Mudzimu a tshi khou tshimbila na Yoshuwa!

<sup>112</sup> Mudzimu muthihi u tshimbila na Tshivhidzo Tshawe ano matsheloni. Kha ri nwé kha hetshi Tshisima seli. Hune na kanda hone, ndi hone hune Mudzimu a do vha hone na inwi, u ni sheledza na u ni fha Vhutshilo. “Ndi do vha na vhoiwi tshifhinga tshothe, na u swika kha magumo a zwikhathi.” Kristo a sa shanduki mulovha, namusi, na lini na lini. Milayo ya Mudzimu.

<sup>113</sup> Zwino ni ri, “Zwenezwo, Mukomana Branham, ndi ngani ri sa iti zwithu zwine ra tea u ita? Hani uri dzimpho dzashu na zwithu tshivhidzoni zwi sa qibviseli khagala, kha hune zwa tea u vha hone? Hani tshivhidzo tshashu tshi sa swiki fhethu hune tsha tea u vha hone?” Vhone vhathu, nga zwifhinga zwa u lingwa, vha tutshela kule u fana na Isiraele o ralo. Vha elekanya uri Mudzimu o vha tutshela.

<sup>114</sup> Fhedzi, elelwani, Tombo a lo ngo vhuya la tutshela Isiraele. Isiraele o tutshela Tombo, o hangwa nga ha Tombo li tshi vha nae tshifhinga tshothe. Lo vha li hone heneffo, la tshimbila naye u swika magumoni a ndila. “Lo vha tevhela.” Lo vha li sa khou amba li kule. Lo vha li sa khou pfa li kule. Kana, lo vha li sa khou vhona li kule.

<sup>115</sup> Huno na Kristo zwe ralo! Na Tshivhidzo namusi, A khou amba a kule. Vhañwe vha vhoiwi no humela murahu, huno na ita izwo zwe khakheaho, huno no xedza ilo dakalo, huno Mađi anu o oma. U kha di amba a kule kha inwi. U ya ni tevhela. U divha ligi liñwe na liñwe line na ita na tshiñwe na tshiñwe tshine na ita. U khou tulutshelwa u pga iwni ni tshi Mu vhidzela vhuponi.

<sup>116</sup> Huno uyu mutshimbilo muhulu wa pentekostala namusi, Mudzimu u khou lindela inwi ni tshi Mu vhidzela vhuponi. Ha khou amba na inwi A kule. Naho ro khakha, na u tshinya, na u Mu furalela, na—na u ita zwithu zwine a ro ngo tea u zwi ita, fhedzi naho zwe ralo U na riñe. Kristo o ri U do vha na riñe.

<sup>117</sup> Bivhili i ri, “Mađi o tevhela vhana vha Isiraele.” Musi vha tshi farwa nga dora, vho zwi divha uri madi a tsini.

<sup>118</sup> Zwino, hezwi zwithu zwi langulwa nga milayo. Sitseme yothe ya Mudzimu yo imiswa nga milayo. Zwino ri do dzhia... Kha ri ime lwa minete.

<sup>119</sup> Kha ri dzhie shango. Li amona, awara dziñwe na dziñwe dla fumbili-inä dici khunyeledza u mona lwo fhelelaho, lwo khunyelelaho, uri... A ri ngo vhuya ra kona, na saintsyothe yashu, uri watshi i fare tshifhinga tsho khunyelelaho. Luthihi nga murahu ha tshifhinga, watshi dla khwinresa dzine vha dici ita, nga tshifhinga tsha nwaha, i do bindula kana u xelelwa nga minete minzhi. Fhedzi shango a li vhuyi la kundelwa fhedzi zwine la vha hone heneffo nga muthethet. Lo khunyelela nga maanda u swika vhorasaintsi namusi, dici asituronoma dici nga ni vhudza, nga miñwaha ya fumi u bva zwino kana miñwaha ya

futhanu u bva zwino, kokotolo ḫuvha na ḥwedzi zwi ḥo fhirana. Musi li tshi swika kha mutengelele wa awar dza fumbili-inā, huno li shandukisa tshifhinga tshalo u mona na obithi u itela khalañwaha, a li pfuki lutanda. Haleluya! Lo khunyelela, ngauri li khou tshimbila u ya nga mulayo ya Mudzimu.

<sup>120</sup> Vha a divha kokotolo uri ilo pfundo li ḥo bva lini, u tou vha kha minete, ngauri vha a zwi divha uri ḥwedzi u balangana nga tshifhinga-de. Huno Mudzimu u na tshiñwe na tshiñwe tsho dzula nga ngona nga mulayo. Huno musi uyo ḥwedzi u tshi balangana, u ṭuwa na pfundo. Musi uyo ḥwedzi u tshi bva, u bva na pfundo. Huno vha a zwi divha kokotolo, nga tshifhinga, uri ndi lini hune uyo ḥwedzi wa ḥo balangana. Vha nga u vheya kha khalenda ya alimanaka lwa miñwaha i ḫaho, huno vha ni vhudza, kha minete, ndi lini hune ilo pfundo la ḥo balangana. Zwa vhukuma, ngauri ndi nga nqila ine ḥwedzi wa khou bva, ngauri wo dzula nga nzudzanyo ya milayo ya Mudzimu.

<sup>121</sup> Ndo vha ndo ima, linwe ḫuvha, nga kha Dzivha Michigan. Huno nda ya kha Dzivha Superior, ndilani yanga ya u ya Canada, ilo divhi līhulu la mađi. Huno nda ima heneffho, huno nda elekanya, “Ndi maela nngana dzine dza vha hone kha heli divhi la mađi hafha!” Huno zwenezwo nda wela Mich- . . . kana Dzivha Superior, ndo vha ndi tshi ḫoda Michigan, kałukułku divhi li edanaho la mađi. Huno heneffho, u bva Lake Superior u ya Lake Michigan, u bva Lake Michigan u ya Lake Ontario, huno u tou . . . na Huron, na dzivha loþe. Huna bilioni nngana dzi tshi andiswa nga bilioni dza andiswa nga bilioni, na barele dzi sa vhalei dza mađi a vhudi dzo dzulaho ngomu ha ilo tivha!

<sup>122</sup> Huno nangei seli Nevada, na Arizona, New Mexico, Eastern California, ho dzula miłioni dza luvhande lu si na tshithu, ha phasi hu fhisaho. Ane o nona, lune arali hayo mađi a nga vhuya a ḫa mavuni, holwu lushaka lu nga kanzwa shango, hu si na vhatthu vha re na ndala, huno ra vha na zwo salaho u posa lwanzheni. Ndi zwone! Dzone dza miłioni dzimbande dzine dza nga medza dzithani dza milioni dza thani dza madabula na khavhishi, na ḫawa na-na tshilai, na khufhi na sīlari, na khukhamba, na zwinwe zwinzhi. Mavu a ḥo zwi medza, a khou-khou to ṭulutshelwa mađi.

<sup>123</sup> Huno hafha ndi mađi n̄tha *hafha*, huno hafha ndi mađi phasi *hafha*. Zwino ri nga zwi vhona, nahone ri a zwi divha uri zwi nga zwi ita, ngauri ri nga thetshela mađi nahone ra vhona uri ndi a vhudi, ra edzisa mavu ra vhona uri o nona. Zwino, u tama hoþe hune ri nga vha naho, a hu nga vhui ha zwi vhea fhethu huthihi. Fhedzi, hu na mulayo, huno uyo mulayo ndi u kokodzela phasi. Zwino, arali ra nga shuma u ya nga u kokodzela phasi, ri nga sheledza tshipida tshiñwe na tshiñwe tsha shango, u dzhia mađi kha madzivha huno ri tshi li sheledza. Fhedzi ri ḥo tea u shuma u ya nga mulayo wa u koodzela phasi. Ri nga si zwi tame nn̄da hafha. Ri nga si zwi tzhemele nn̄da hafha. Ri nga si zwi ṭavhele

mukosi. Ri tea u shuma u ya nga milayo ya u kokodzela fhasi, u ri ri zwi vheye heneffho. Mudzimu u vhea zwithu zwe<sup>the</sup> kha mulayo.

<sup>124</sup> Hafha, ndo vha ndi tshi khou elekanya, a thi <sup>divhi</sup> uri kana ndo ni vhudza izwi, kana hai. Ndo vha ndi fhasi ngei Kentucky, u zwima zwisindi, na Mukomana Wood, <sup>nwaha</sup> wo fhelaho. Huno rine... Zwisindi two vha zwi songo dalesa, huno zwenezwo ra ya nduni ya muriwe muthu, u wanulusa nga ha u zwima. Muthu o vha a na tsim u luvhande, huno kha iyi tsim u vha hu na khuni nnzhi. Fhedzi Mukomana Wood o mmbudza, uri, "Munna ndi a sa tendi. Ndi—ndi a sa tendi." Ngauralo a ri u ya mu <sup>divha</sup>, ngauralo a... kana khotsi awe vha a mu <sup>divha</sup>, vho vha vha tshi do ya vha vhudzisa uri ri na thendelo ya u ya u zwima.

<sup>125</sup> Ra reila ra ya hune uyo munna a dzula. Huno ene na mu<sup>nwe</sup> munna, vhothe kha dza fusumbe dzavho, vho vha vho dzula fhasi ha muri wa muapula. Huno Vho. Wood vha ya kha hoyu munna, vha ri khae, "Naa ndi nga zwima zwit<sup>ku</sup> fhethu hau?" Huno a ri, "Zwo ralo," a ri, "Zwo luga." A ri, "Naa ni Wood ufhio? Naa ni mutukana wa Jim Wood?"

A ri, "Ndi nne."

<sup>126</sup> A ri, "Zwo ralo, Jim wa kale o vha a tshi fulufhedzea, na zwi<sup>nwe</sup> zwinzhi." A ri, "Ni nga zwima hu<sup>nwe</sup> na hu<sup>nwe</sup> hune na funa, fhethu hanga. Ndi na nnzhi mbande hafha, bvelani phanda. Itsani fhasi kha u huwelela, hu<sup>nwe</sup> na hu<sup>nwe</sup> hune na <sup>ṭoda</sup> u ralo. Itanu <sup>dipfa</sup> ni hayani."

<sup>127</sup> Nda dzula modoroni, ngauri ndo humbula uri mureri na muhedeni vha nga si andane, arali ri tshi khou ya u humbelatshilidzi kha a sa tendi.

<sup>128</sup> Ngauralo nga murahu ha tshifhinga, Mukomana Wood a ri, "Zwo ralo, zwino, naa ndi nga tuwa na mufunzi wanga? Ndi a kholwa zwi do vha two luga uri a de."

<sup>129</sup> Huno hoyu mukalaha a rembulutshela kha mimovha yawe, huno a ri, "Wood, ni khou <sup>ṭoda</sup> u mbande uri no no vha wa fhasi, u swika ni tshi tea u vha na mufunzi hunwe na hu<sup>nwe</sup> hune na ya?"

<sup>130</sup> Huno nga u ralo, nda elekanya, nga murahu ha hezwo, ndi khwine ndi tshi tsa nn̄da ha modoro. Ngauralo nda tsa kha modoro, huno nda amba na mukalaha lwa minete i si gathi. Huno a mmbudza nga u <sup>ṭavhanya</sup> uri ha na mushumo na vhafunzi, ngauri o elekanya uri vho vha vha tshi khou amba nga ha tshithu tshire vha si <sup>divhe</sup> tshithu ngatsho.

<sup>131</sup> A ri, "Vha sokou <sup>ṭavha</sup> mukosi kha tshithu tshire vha si <sup>divhe</sup> tshithu ngatsho. Zwo ralo," a ri, "musi muthu a tshi amba na nne, ndi khou <sup>ṭoda</sup> a tshi <sup>divha</sup> zwine a khou amba nga hazwo." Zwino, ndi tshipfi tshavhu<sup>di</sup>. Ndi tshipfi tshavhu<sup>di</sup>. A ri, "Zwino, arali munna a mba na nne, A thi <sup>ṭodi</sup> a tshi amba nga ha tshi<sup>nwe</sup> tshithu, tshi<sup>nwe</sup>, a tshi vhaba uri ha <sup>divhi</sup> tshithu nga

hatsho. Ndi khou mu ḥoda a tshi amba tshinwe tshithu tshine a divha uri u khou amba nga hatsho.” Zwo ralo, nda zwi ḥonifha hezwo. Nda ḥonifha hezwo kha mukalaha.

<sup>132</sup> Huno ngauralo nda ri, “Zwo ralo, a hu na zwinwe, ndi muhumbulo wa muthu ene muṇe.”

<sup>133</sup> Huno a ri, “Hu na muṇwe mureri we a da hafha kha heli shango, miṇwaha i si gathi yo fhiraho, we a vha a na mutangano ngei Acton.” Huno a ri, “Mufunzi, vhuṇwe vhusiku, a tshi vha mutsinda kha lino shango, a ri kha—kha musadzi we a vha o dzula kha vhathetshelesi, ‘Ni na tshisagadugu kha tshikwama tshanu. Huno ni Vho-Mme. *Mukeneñene*. Huno ni na khaladzi a lwalaho n̄tha ha tshikwara hafha. Dzina lawe ndi *Mukeneñene*. U khou fa, a na pfuko kha thumbu.’ Huno a ri, ‘Dzhiani ino sagadugu huno ni vheye kha khaladzi anu, huno ni mu vhudze, ‘A RALO MA AMBA MURENA, ha khou ya u fa, fhedzi u do tshila.’”

<sup>134</sup> A ri, “Onoyo musadzi muthihi o vha a khonani yashu.” Huno a ri, “Ro dzhia hoyu musadzi... Heyi sagadugu; kana hoyu munna, kha uyo muthu.” Tsha u thoma a ri, “Hoyu musadzi, mufumakadzi wanga na n̄ne ro vha ri n̄tha heneffo ayo matsheloni huno ro dzhia, ro lindela hoyu musadzi. Huno o vha a sa takadzi na luthihi! Madokotela vho no laṭela thavhula, kale. O vha a sa takadzi lwe ra vha ri tshi tea u mu rembulusa kha malagane, u mu takula uri ri mu vheye kha tshimba ya mmbete, na u mu humisela murahu. U mu vhuedzedza kha malagane, o vha a vhutunguni nga maanda.” A ri, “Vhuṇwe vhusiku, nga heneffo, ha ḫa phosho u n̄ga hu na muṇwe muthu o faho.”

<sup>135</sup> Uyo o vha a Ben nga heneffo, na iyo sagaduku, a tshi khou i isa heneffo. Ndi a tenda uri ho vha hu inwi, a si zwone, Ben? [Mukomana Ben u ri, “Amen. Amen.”—Mudz.] Ho vha hu Mukomana Ben heneffo, a tshi wana iyo sagaduku, ngauri o isa mufumakadzi nga heneffo.

<sup>136</sup> Huno a ri, “Matsheloni a no tevhela, o vha a tshi khou ḫa phai ya apuḷa yo otshiwaho.” Huno a ri, “Ha khou ita mushumo wawe fhedzi, fhedzi na mushumo wa vhadzulatsini. O vha o fhola nga maanda!” A ri, “Zwino ndo dzulela u ḫivhudzisa. Arali nda vhuya nda vhonu uyo mureri, o vha a tshi ḫivha zwe a vha a tshi khou amba nga hazwo,” a ri, “Ndi—ndi nga takalela u amba nae.”

<sup>137</sup> Mukomana Wood a ndavhelesa, huno a mu lavhelesa. O ima heneffo, o tswukala, na mabiko na tshika, o vha o gammiba heneffo ḫakani, huno—huno malofha a zwisindi o ḫala hoṭhe kha rine. Huno ngauralo nda ri, “Zwo ralo,” nda ri, “ndi... Ni khou mbudza uri ni nga amba na uyu muthu huno a nga ni vhudza uri o zwi ita hani?”

A ri, “Ee, muṇe wanga, ndi zwine nda khou amba.”

Nda ri, “Zwo ralo, ndi—ndi zwithu zwavhudī.”

<sup>138</sup> Ndo vha ndi tshi khou la mañwe a maapula awe. Zwivhungu ziñtuku zwa tshitopana zwe vha zwi tshi khou thoma khao, ni a divha, kha u wa ha ñwaha, nga Thangule. Ngauralo ndo vha ndi na heli apula lituku, huno ndo vha ndo no li la. Huno nda ri, “Ndi apula ñavhuði.” Nda ri, “Ndi tshifhinga tshingafhani uyo muri u afho?”

<sup>139</sup> “Oo,” a ri, “Ndo ñavha uyo muri afho, ya furaru kana fuiña yo fhiraho, kana tshiñwe tshithu.”

<sup>140</sup> “Ee, muñe wanga.” Nda ri, “Ndi nga takalela u vhudzisa mbudziso.” Nda ri, “Uri hani shangoni... Ndi vhona ayo maapula o wa kha uyo muri, huno mañari awo a khou wa, huno hafha hu tou vha vhukati ha Thangule.” Huno nda ri, “A ri athu vha na murotho, a ri athu vha na ñwando kana tshiñwe tshithu, huno naho zwe ralo mañari a khou wa kha uyo muri. Ndi ngani zwe ralo?”

A ri, “Munula wo ñutshela muri.”

“Oo,” nda ri, “naa wo ya gai?”

A ri, “Fhasi kha midzi.”

Huno nda ri, “Zwenezwo li ñ do dzula afho u swika lini?”

A ri, “U swika tshifhefho.”

<sup>141</sup> Huno nda ri, “Zwenezwo li ñ do vhuya murahu, huno la ni ñisela mañari maswa a murunzi, na maapula maswa a u la.”

A ri, “Ndi zwone. Zwone kokotolo.”

<sup>142</sup> Nda ri, “Zwo ralo, ndi khou ñoda u ni vhudzisa tshiñwe tshithu, muñe wanga. Ni amba nga ha a vha vhathu vha sa ñivhi zwine vha khou amba nga hazwo.” Nda ri, “Naa ni nga ñatalutshedza uri ndi Vhuñali vhufhio vhune ha ita uri uyo munula u ñutshele uyo muri? Arali la dzula heneffo nga kha vhuria, muri u ñ do fa. Ni do vhulaya muri. Tshitzhili tsha vhutshilo tshi kha uyo munula.” Ngauralo nda ri, “Zwi ñ do vhulaya muri. Ndi vhufhio Vhuñali vhuno ita uri iyo munula u bve kha muri, fhasi kha midzi, i dzule u swika tshifhefho, huno la vhuya murahu la bveledza na u ñisa mañwe maapula manzhi?” Nda ri, “Vheani madi kha bakete huno ni a vheye kha thanda, huno ni vhone arali, nga Thangule, a tshi ñ do tsa fhasi ha thanda huno a vhuya murahu nga tshifhefho. Ni a vhona?” Nda ri, “Hu na muñwe mulayo, hu na mulayo wa mupo. Vhuñwe uvhu Vhuñali kha ngona. Hu si hezwo fhedzi, fhedzi honoho Vhuñali vhuthihi hu tea u tshimbidza iyo milayo, hune ha li tsitsela fhasi kha midzi ya muri, huno la vhuya murahu.”

A ri, “A tho ngo vhuya nda humbula nga ha hezwo.”

<sup>143</sup> Nda ri, “Naa ni nga... Arali na nga vhuya na wana Vhuñali hune ha ite uri uyo munula u ye kha midzi ya uyo muri, fhasi kha midzi huno la vhuya murahu, ndi Vhuñali vhuthihi he ha mbudza heneffo uvho vhusiku, ‘Iya, u vheye sagaduku kha musadzi.’”

A ri, “Ndi inwi u ḥa mureri?”

Nda ri, “Ee, muṇe wanga, ndi zwone.”

<sup>144</sup> Nwaha wo fhelaho ndo vha ndi (o no ṭuwa), huno musi tshilikadzi yawe yo dzula kha sofa, a tshi khou vhaḍa maapula, kha muri muthihi. Mukomana . . . Tsha u thoma vho vha vha tshi khou ya uri bvisa, vho vha sa ḫivhi uri ri vho nnyi. Huno nda ya nda mu vhudza nga hazwo, uri ro vha ri na thendelo u bva khae. Huno a amba nga hazwo, a ri, “O ita u ḫibula ho fhelelaho ha Kristo phanda ha musi a tshi fa.”

<sup>145</sup> Ni a vhona, naa uyo muri, ndi vhufhio Vhuṭali vhu no tsitsela iilo fhasi? Ndi mulayo. Ndi mulayo we Mudzimu a u vhea nga ngona. Huno uyo mulayo ndi mulayo wa Mudzimu une wa do londota therero. Amen.

<sup>146</sup> Ni a divha, a thi na ndavha uri ni lila hani, huno na ri—ri zwino, “A u khou ya u ralo, duvha a li khou ya u bva tshino tshilimo.” Li do bva, naho zwo ralo. Uri ndi lungana hune na khou ya uri, “A—a—a thi khou ya u tendela vhusiku vhu tshi bva.” Vhu do da, naho zwo ralo. Ngauri hetshi tshithu tshine ra tshila khatsho, tshi no vhidzwa shango, li langulwa nga mulayo wa Mudzimu.

<sup>147</sup> Zwino, vhahashu na dzikhaladzi, ndi khou ṭoda u ni vhudzisa tshinwe tshithu. Zwenezwo, arali ro bebiwa hafhu nga Muya wa Mudzimu . . . Mudzimu ha na zwipiḍa zwituku zwi shayaho nungo na zwipiḍa zwiḥulu zwo khwaṭhaho, U zwothe Mudzimu! Huno arali ni na vhunzhi ha Mudzimu kha inwi, u swika zwi tshi tou vha murunzi, ndi maanda o edanaho u ita lifhasi liswa. Ndi maanda o edanaho u ita nwedzi muswa na sisteme ntswa. Ndi Mudzimu, huno zwo khwaṭha! Huno zwino mutendi muṇwe na muṇwe hafha u na Vhutshilo Vhu Sa Fheli, zwine zwa vha, Muya wa Mudzimu kha inwi; Maanda o edanaho ane a do vusa vhabu, ane a do fhodza vhalwadze, ane a do vheya obithi kha ngona. Fhedzi inwi, zwi langiwa nga mulayo, uyo Muya u re kha inwi. Ni vharwa na vhananyana vha Mudzimu. Muya muthihi u re kha inwi, u do ni vusa nga duvha ḥa mvuwo.

<sup>148</sup> Yesu, musi O vha a fhano kha lifhasi, musi A tshi fa, muya Wawe wa tsela Heleni, “Huno a funza kha mimuya ye ya vha i khothoni, mimuya ye ya vha i khothoni, ye ya si rembuluwe nga tshifhinga tsha u sa fhela mbilu ha mađuvhani a Noaxe.” Muvhili Wawe wa ya vhidani. Fhedzi phanda ha musi A tshi fa, O nekedza Muya Wawe kha zwanda zwa Mudzimu. Muya Wawe wa ya kha Mudzimu; mbilu Yawe ya ya Heleni; huno muvhili Wawe wa ya vhidani. Huno Yesu o vha o thivhelwa u vuwa u swika Maṇwalo a tshi khunyelela. O vha a nga si vhuye murahu, ngauri O do tea u dzula vhidani lwa mađuvha mararu na vhusiku. Fhedzi musi Maṇwalo a tshi khunyeledzea, hetshi tshitibo tsha bviswa; Muya Wawe wa vhuya kha mbilu Yawe, mbilu Yawe kha muvhili Wawe, huno A vuwa hafhu.

<sup>149</sup> Huno musi ri tshi fa, mimuya yashu i do ya fhasi ha aleṭari ya Mudzimu; he nda vha na u tondwa u hu vhona, manwe matsheloni a si gathi o fhiraho, vhunga ni tshi ḋivha, kha bono, hune Bivhili ya amba nga haho. “Mimuya yashu i ya ha Mudzimu We a i nea, huno mivhili yashu i do humela kha buse la mavuni.” Fhedzi liñwe duvha, musi Mañwalo o khunyeledzea, mimuya yashu i do vhuiswa u bva kha Mudzimu, ri do doba mbilu, huno mbilu ya ya kha muvhili. Huno Maanda ane a do ri vusa, a nga ngomu kha riñe zwino! Zwino ri kha mafhethu a Mañadulu. Zwino ri kha Maanda a mvuwo.

<sup>150</sup> Arali ho vha hu si na mulayo kha izwo, vharwa na vhananyana vha Mudzimu vho vha vha tshi do sika shango nnda hafha huno vhaya vha tshila vhutshilo ha tshidzumbe khaho. Ni na Maanda kha inwi a u zwi ita. Arali ni na murunzi wa Maanda a Mudzimu kha inwi, ni na Maanda a u zwi ita. Mudzimu ndi ramaandaothe. Ni a pfectesa zwine nda khou amba? Maanda a re kha inwi a do zwi ita. Ni nga amba shango la vha hone huno na ya na tshila khalo. Haleluya! Khezwo-ha.

<sup>151</sup> Ndi one Maanda a re kha Tshividzo zwino, fhedzi a langulwa nga mulayo. Huno uyo mulayo a si u “vhulunga muvhundi wa milayo.” Ndi mulayo wa lutendo. Yesu o ri, “Zwithu zweṭhe zwi a konadzea kha avho vha tendaho.” Huno arali na nga zwi tenda, tshiñwe na tshiñwe tshire Mudzimu a do ranga phanda muya wañu u ri u tende, ndi tshañu. Fhethu huñwe na huñwe hune vhukando ha ñayo dzañu ha do kanda, nga lutendo, Mudzimu u ni ñea hone. Amen! Ndi hañu, hu dzhieni, arali na nga tou wana kholo kha hoyu mulayo wa lutendo une lu a ni vulela. Ni a vhona zwine nda khou amba? Ayo Maanda a langiwa nga... Arali ni murwa wa Mudzimu, ni ñwananyana wa Mudzimu, izwo a zwi vhuyi zwa ni tutshela. Zwi na inwi tshifhinga tshoṭhe. Fhedzi, lutendo lwañu lu bva Khazwo, fhedzi Zwi kha di vha henefho. Haleluya!

<sup>152</sup> Musi ni tshi tshidzwa, Mudzimu u ni fha lutendo lwa u ni vusa u bva kha tshika dza lifhasi. Lutendo lwañu lu kunda zwithu zwa shango. Naa lutendo lwañu ndi mini? Lutendo lwañu kha mishumo ye Mudzimu a ita kha inwi, u ni ita murwa wa Mudzimu. Ni tutshela u zwifha hañu, ni tutshela u tswa hañu, ni tutshela u ñwa hañu, ngauri lutendo lwañu lu ni takulela nthia hazwo. Amen. Arali na sa zwi ita, a ni na lutendo. “Huno nga lutendo no tshidzwa, nahone izwo nga kha tshilidzi.”

<sup>153</sup> U ya nga hune lutendo lwañu lwa do vha ngalwo, ndi nga hune na do vha na Maanda, ngauri kha inwi hu dzula Maanda a u ita Liñadulu na lifhasi. Mudzimu u dzula kha inwi, huno ni vharwa na vhananyana vha Mudzimu. Amen! Khezwo-ha. Fhedzi, ndi lutendo lwañu. Yesu o ri, “U ya nga lutendo lwañu, kha zwi vhe kha inwi. Arali iwe u tshi nga tenda, zwithu zweṭhe zwi a konadzea. Ngoho, ndi ri kha inwi, arali na ri kha heyi

thavha, ‘Sudzuluwa,’ huno na si tima-time, huno na tenda zwe na amba.”

<sup>154</sup> Zwenezwo ri tea u vha vhathu vha, lushaka-de, u vha na lutendo kha uyu muhulu a lamulelaho Kristo ane tshila kha riñe, heli Tombo lo rwiwaho li sa vhuyi la tütshela Tshivhidzo? “Ndi na inwi tshifhinga tshoñthe, na kha u swika magumoni a shango,” i dzulelaho u vha Hone tshidzo khulu i phudunyaho na Maanda ane a bva Khalivari kha Tshivhidzo, u dzulela u vha hone Vhuhone ha Mudzimu, u ela huhulu, Tombo lo rwiwaho line la tshimbila na riñe kha lwendo.

<sup>155</sup> Isiraele o xedza lutendo lwave. Vho bva ndilani. Vha thoma u tama zwithu zwa nama. Arali vho dzula na lutendo, huno vha tshi tenda uri Mudzimu o vha a tshi khou ya u vha i sa kha shango, ho vha hu tshi do vha hu si na tshithu tshine tsha nga vha thivhela. Vho vha vho no vula malwanzhe, vho rwa maswina nga matshupho, vho vha vho vhamba maswina avho murahu havho, vha tshimbila kha shango, huno naho zwe ralo vho shaya lutendo lwa u ya kha pfulufhedziso.

<sup>156</sup> Yoshuwa na Khalebe vho vha vha na lutendo! Vha ri, “Ri a kona u kunda na u fhira tshiñwe na tshiñwe tshine tsha nga ima phanda hashu.”

<sup>157</sup> Ndi yone khaedu kha tshivhidzo. Ri nga kunda vhulwadze vhuniwe na vhuniwe. Ri na Maanda kha riñe. Ri vharwa na vhananyana vha Mudzimu, a hu na tshine tsha nga ima phanda hashu. Tshithu fhedzi, U khou ḥoda u wana muthu ane a nga zwi tenda, ane a nga tenda zwine Mudzimu o no ni itela kale. Hu si ri *do*; ro ralo zwino! Huno u dzulaho u khou tshila Vhuhoneni ha Muya vhu na riñe. Amene! Khezwo-ha.

<sup>158</sup> Ndi zwe nda vha ndi tshi khou amba musi ndi tshi amba nga therano matsheloni, *Mađi A Dzulelaho U Vha Hone Kha Tombo*. A dzulelaho u vha hone Mađi u bva kha Tombo a hone zwino, ayo Mađi a bvaho kha iļo Tombo lo rwiwaho ngei Khalivari. Musi uyo Muya Mukhethwa u tshi da u bva Khae ngei Khalivari, we wa vhuya murahu kha Tshivhidzo nga Duvha la Pentekoste, wonoyo Muya Mukhethwa muthihi u hone ano matsheloni. Huno U ri fha pfulufhedziso!

<sup>159</sup> Ndi yone mbuno, u tshi tshimbila phanda ha vhalwadze, musi A tshi ḥeya thendelo ngei seli, nda i tenda; Mudzimu o ralo! Ndi nga ndila ine mabono a itea ngayo; Mudzimu o zwi fulufhedzisa! Mudzimu a nga si zwi fhe.

<sup>160</sup> Zwi tendeni! Ni tea u zwi tenda. Hu tea u vha na Tshiñwe tshithu heneffo, vulani itsho tshikhukhuliso, vulani itsho tshithu uri ni dzhene. Zwine ra ḥoda ḥamusi a si uri ri rabelele Maanda manzhi. Ni na Maanda o edanaho u ita lifhasi liswa. Zwine na ḥoda ndi lutendo u shumisa ayo Maanda. Zwine na ḥoda ndi u langula uvho vhutshilo, huno na tshila vhutshilo vhukhethwa, uri musi Mudzimu a tshi ni vhudzisa tshiñwe

tshithu, ni a divha! Ri na fulufhelo kha Mudzimu, kha hezwo. Ri a zwi divha, arali ra vhulunga Milayo Yawe, Ha nga ri dzimi tshithu, arali ra tshimbila Nae. Mudzimu a tshi khou tshimbila na riñe. Yawee, nnē nnē!

<sup>161</sup> Vho vha vha na tshithu tshithihi fhedzi tsha u ita. Vho vha vha na tshithu tshithihi fhedzi tsha u ita, ndi, u dzula kha gondo. Hu si u bvela nnđa *hafha*, na u bvela nnđa nga *hangei*; fhedzi u dzula ndilani! Tshivhidzo tshi na tshithu tshithihi fhedzi tsha u ita, dzulanī nđilani! Vho vha vha na Khavhu ya Mulilo, ye vha vha vha nayo, ya u ñidzudza ndilani nga u tevhela iyo Khavhu ya Mulilo. Ndi zwe zwa vha ranga phanda. Tshithu tshe vha vha vha tshi kona u vhona, ho vha hu iyo Khavhu ya Mulilo. Vho I vhona i tshi shuma nga kha Mushe, huno vha zwi divha uri o vha a murangaphanda.

<sup>162</sup> Namusi ri na Ipfi. Ri tevhela Ipfi. Huno vhunga ri tshi vhona Ipfi li tshi khou shuma kha vhatendi, nahone ri a zwi divha uri zwo ralo, zwenezwo. Mudzimu a tshi khou shuma na rine, a tshi khwathisedza Ipfi nga zwiga zwi tshi khou tevhela! Ri dzula na Ipfi. Ipfi la bveledza mitshelo.

<sup>163</sup> Vha dzula na Mushe. Ngauri, yone Khavhu ya Mulilo, Mushe o tevhela Hezwo. Huno vha tevhela. Musi vha tshi thoma u ḥanutshela Mushe, u gungula vha tshi lwa na Mudzimu na Mushe, vha thoma u bvela thungo kha sia ḥithihi na ḥinwe. Mathada a thoma u dzhena. Zwa vhukuma.

<sup>164</sup> Ri dzula kha Ipfi, huno Ipfi li bveledza zwiga. Yesu a ri, “Zwiga zwi do tevhela vhane vha tenda Ipfi.” Ni a vhona, li dzula na . . . Ni dzula na Ipfi, lone Ipfi la bveledza zwiga. Fhedzi, Mushe, o ita mini?

<sup>165</sup> Vha tendelekela kule, naa vho ita mini? Vha bva nnđa ha ndila, huno vha xedza ndisedzo yavho ya madi.

<sup>166</sup> Ndi elekanya uri ndi zwe tshivhidzo tsha ita namusi. Tsho bva kha nđila ya Mañwalo. Vha thoma u dzhena kha dziisms. Vha thoma kha tshithu tshiñuku tshe vha vha vha songo tea u ita. Vha doba zwithu. Vha thoma u doba zwithu zwi no nga Mulayo wa Vhaapostola. Ni wana gai izwo kha Bivhili? Vha doba katekatisima ine vha vhala. Vha doba denominisheni madzuloni a tshenzhemo. Vha doba u khađana madzuloni ha tshenzhemo tsha u bebiwa hafhu. Vha doba u shasha madzuloni a ndovhedzo ya madini. Vha doba tshivhumbeo tshivhi, “Khotsi, Murwa, na Muya Mukhethwa,” ngeno hu si na tshithu tsho raloho kha Bivhili. Huno Bivhili i ri, “Nga Dzina la Yesu Kristo!” Hu na tshithu tshithihi tsha u ita arali ni tshi ḥoda Madi mathihi, vhuyani murahu kha nđila hafhu. Vhuyani murahu kha . . . Ha athu ḥuwa; U kha di vha hone. Ni dzhia milayo madzuloni a Kristo. Ni tendelekela kule kha zwidayo.

<sup>167</sup> Muñwe u ri, “Zwo ralo, ndi mu Methodisi.”

Muñwe a ri, “Ndi mu Baphuthisi.”

Hezwo zwi sumbedza uri a ni Mukriste, zwenezwo. Ri vha Kriste! Ri Vhawe.

Ni ri, “Zwo ralo, arali, nne, Mubaphuthisi?”

Arali hu zwothe zwine na vha zwone, zwenezwo a hu na na muthihi wañu a re wa Kristo, ni vha Baphuthisi.

Inwi ni ri, “Zwo ralo, ndi Mupentekostała.”

Arali ni tshi tou vha Mupentekostała nga denomineisheni, ndi zwenezwo zwine na vha zwone.

<sup>168</sup> Fhedzi, arali ni na tshenzhemo tsha pentekostała! Huno Ipfi la pentekostała li do bveledza tshenzhemo tsha pentekostała! Tevhelani tshithu tshithihi tshe avho vhafunziwa vha ita, dzulani u swika ni tshi dadzwa nga Muya Mukhethwa.

<sup>169</sup> Huno zwenezwo arali izwo zwa vha zwo fhambanaho na Ipfi, uyo myua kha inwi u ya fhambana na zwine Ipfi la amba, zwenezwo a si Muya Mukhethwa. Ndi diabolo a tshi khou edzisela Muya Mukhethwa. Ni a hu vhona he ra zwi wana hone? Oo, vhañwe vha vho rine ro amba nga dzindimi, ro vha na u tzhema na zwithu zwi ngaho izwo, huno ra landula hezwi zwiñwe zwithu. Ro tendela tshinwe na tshinwe tshe tsha vha tshi si ho Mañwaloni uri tshi de tshivhidzoni. Hune ra vha hone namusi? Ro humela kha liñwe soga, tshii miswa tsho omaho. Ro dzudzanya, huno ra xeletwa nga Madjashu. Ndi zwe Pentekoste ya ita kokotolo. Musi i tshi thoma u dzudzanya, yo mbo di thoma u litsha vhuledzani, huno i tshi ri, “Zwo ralo, zwino a ri nga dibadekanyi, arali hoyu muthu a tshi tenda *hezwo*.”

<sup>170</sup> Bvelani phanda, dzulani nae u swika a tshi da kha Ipfi la Ngoho, ndivho ya Ngoho. Huñwe na huñwe huné ha vha, zwi litsheni zwi tuwe, naho zwo ralo. Itanu bvela phanda, ni vhe sa vharathu.

<sup>171</sup> Fhedzi, oo, ro do tea u dzudzanya, huno ra ri, “Zwo ralo, ngauri a ni wa Vhuthihi, ngauri a ni wa Vhuvhili, kana Vhuraru, kana *izwi*, a ri nga vhi na vhuledzani na inwi.” Zwenezwo musi ni tshi ita hezwo, naa ri ita mini? Ri dihumisela murahu hafhu kha soga. Ndi zwone!

<sup>172</sup> Fhedzi, elelwani, musi Isiraele i tshi bva ndilani, ndila ya u ya kha shango la pfulufhedziso, lone Tombo a lo ngo vhuya la vha tutshela; Lo dzula heneffo, na madj a ralo-vho. Ngauralo ndi Muya Mukhethwa, u khou dzula heneffo. A ri tei u humela murahu.

<sup>173</sup> Zwino, hafha Mudzimu u ri funza tshithu tshihulu. Mudzimu u ri funza ngudo hafha. Kristo o rwiwa luthihi, a tshi ri fha tshenzhemo tsha pentekoste, luthihi, kha vhothe. Zwino, musi ilo Tombo li tshi rwiwa, La li songo tea uri li rwiwe hafhu. Lo rwiwa luthihi fhedzi.

<sup>174</sup> Mushe a ita phoswo nga u Li rwa lwa vhuvhili, zwi tshi sumbedza u shaya nungo ha lutendo lwawe kha Tshipfumelelo.

Fhedzi musi Kristo a tshi rwiwa luthihi, ri a zwi ḋivha uri Ha nga tei u rwiwa hafhu. Zwo ralo, naa Mushe o vha a khou ita mini? Mushe o vha a khou vheya tshiñwe tshithu tshiswa, a tshi lingedza u ita tshithu tshiswa.

<sup>175</sup> Huno ndi nga ndila ine vhanna vhashu vha vhurereli vha ita ḥamusi. Who lingedza u ita tshiñwe tshithu tshiswa. “Ri do diita tshivhidzo tsha Khuvhangano dza Mudzimu. Ri do diita Tshivhidzo tsha Pentekostala tsha Mudzimu. Ri do diita Khoroy ya Thanganelanol. Ri do diita *hezwi, hezwo, kha zwinwe.*” A si zwe Mudzimu a ita. Ho vha hu si muhumbulo Wawe.

<sup>176</sup> Kristo o rwiwa luthihi. Ndi tshone tshenzhemo tsha u ranga. Ndi yone ndila ya u ranga. Nga ḋuvha la Pentekoste, Petro a ri, “Shandukani, muñwe na muñwe wa vhoinwi, huno ni lovhedzwe nga Dzina la Murena Yesu Kristo.”

<sup>177</sup> “Ri shasha nga dzina la ‘Khotsi, Murwa, Muya Mukhethwa,’ ra ḥea tshaka dzothe dza milayo na tshiñwe na tshiñwe nga Hazwo.” Ri bva nn̄da ha Ipfi, a zwi mangadzi ri nga si swike kule. Ni a vhona?

<sup>178</sup> Mudzimu u ya ri funza ngudo. Mushe o vha a sa tei uri, “Zwino ri do thoma tshiñwe tshithu tshiswa hafha zwino, huno ri do dzudzanya nahone ra ita tshivhidzo tsha Katolika.” Ndi tshithu tsha u thoma tshe vha ita. Hai, zwenezwo nga murahu ha tshifhinga, “Zwo ralo, ri do thoma tshithu tshiswa u bva kha hezwo, ri do ita Vhalutere.” Zwenezwo ha da vha Anglican, huno zwenezwo vha Baphuthisi, na zwiñwe zwinzhi, na Campbellites, huno Tshivhidzo tsha Kristo, na mulwa-na-kristo, na zwiñwe zwithu zwothe. Ni a vhona, who thoma u tshimbila, muñwe nga murahu ha muñwe, muñwe nga murahu ha muñwe, vha tshi ita dinomineisheni na dzangano. Izwo zwo vha zwi songo ralo. Ni a vhona heneffo zwe vha vha vha tshi khou ita? Vha khou rwa Tombo hafhu, u thoma tshiñwe tshithu tshiswa. A ri ḥodi pfunzo ntswa.

<sup>179</sup> Muthu muñwe na muñwe Bivhilini o lovhedzwa nga Dzina la Yesu Kristo. Muthu muñwe na muñwe kha Bivhili ane a vha na Muya Mukhethwa, o da nga ndila ya Mudzimu, kokotolo nga ndila ye Mudzimu a ita uri zwi vhe ngayo. Vha ita zwi fanaho. Who vha vha na tshenzhemo tshi no fana. Zwiga zwithihi zwo vha tevhela. Mishumo mithihi yo vha tevhela. Ndi ngani? Who tshila n̄ga Tombo. Vha wana Mađi mathihi.

<sup>180</sup> Huno, ḥamusi, mbuno ya uri ri vhe na milayo minzhi na dinomineisheni, ndi ngauri ri khou thoma tshiñwe tshithu tshiswa. A ri ḥodi tshithu tshiswa. Humelani murahu!

<sup>181</sup> Mushe o vha a songo tea o rwa Tombo hafhu, u thoma tshiñwe tshithu tshiswa. O vha o tea o amba navho, nga ha vhubvo Tombo. Oo, ndi kholwa ni a zwi wana! Mushe o vha o fanela o amba nga ha Tombo la vhubvo lo rwiwaho; hu si u lingedza U

li rwa hafhu, kana u lingedza u thoma tshithu tshiswa, fhedzi u amba nga ha Tshithu tsha kale!

<sup>182</sup> Mudzimu, nthuse! Arali nda fa ndi mushai, kha phuluphithi, ndi do amba nga ha Tombo la vhubvo! Ndi do amba tshenzhemo tsha u ranga. Ndi do amba Mañwalo a vhubvo e a vha fha ndovehdzo ya Muya Mukhethwa, “Shandukani, muñwe na muñwe wanu huno ni lovchedzwe nga Dzina la Yesu Kristo u itela khangwelo ya zwivhi, huno ni do ḥanganedza tshifhiwa tsha Muya Mukhethwa.” Mađi a Dzulelaho u elela kha Tombo a kha di vha na riñe. A do bveledza tshithu tshithihi. A do bveledza mabono. A do bveledza phodzo. A do bveledza zwiporofito. A do bveledza tshiñwe na tshiñwe tshine vha ita.

<sup>183</sup> Musi Isiraele a tshi vhuya murahu kha Mañwalo hafhu, huno vha vhuya murahu ndilani, vho ya kha shango la pfulufhedziso. Fhedzi zwe vha dzhiela miñwaha ya fuiña.

<sup>184</sup> Vhapentekostała yo swika fuiña kana fuñhanu wa minwaha, vha tshi khou tendeleka sogani. Vhuyani murahu kha Tombo! Li kha mbonalo. Kheļi hafha, lo ñwaliwa hafha kha Ipfi. Muya Mukhethwa u hafha u tshi khou ita tshithu tshithihi tshine A dzulela u ita, ngauralo Mađi a Dzulelaho u vha hone a fhano. Itanu vhuya Khao, vhuyani murahu kha zwa kale, zwa vhubvo. Zwe vha zwi hani kha vhubvo?

<sup>185</sup> “Zwo ralo, vho khađana na mureri”? A hu na tshithu tsho raloho. “Vho vha vho lovchedzwa nga dzina la ‘Khotsi, Murwa, Muya Mukhethwa’”? A hu na tshithu tsho raloho. A hu na muthu Bivhilini, huiwe fhethu, kana (nga nnđa ha miñwaha ya mađana mararu) nga nnđa ha Bivhili, we a vhuya a lovchedzwa nga dzina la “Khotsi, Murwa, Muya Mukhethwa.” Ndi mulayo wa Katolika, hu si pfunzo ya Bivhili. Ni a vhona?

<sup>186</sup> Vho vha vha na Muya Mukhethwa. Hezwi zwiga zwe tevhela vhone vhane vha tenda. Zwi do zwi ita hafhu ñamusi. Ilo Tombo li kha di tshila sa zwe la vhuya la ralo, ilo Tombo lo rwiwaho!

<sup>187</sup> Ri songo ri, “Zwo ralo, zwino idani ni dzhoine tshivhidzo tshashu tsha Pentekostała, džhenani kha maimo ashu a Pentekostała.” “Hai, ni nga da na dzhoina Baphuthisi, kana Methodisi, kana Phuresibetheriene, kana Katolika.” Naa ndi mini izwo? Ilo Tombo lo rwiwaho hafhu, li tshi khou lingedza tshiñwe tshithu tshiswa.

<sup>188</sup> Vha vhudzeni, “Shandukani, huno ni lovchedzwe nga Dzina la Murena Yesu Kristo,” u itela u hangwelwa zwivhi, “huno hezwi zwiga zwi do vha tevhela vhane vha tenda.” Zwino no vhuya murahu ndilani, murahu kha Mađi mathihi. Mađi mathihi a do ñisa u homolowa huthihi. A do ñea u dzimula ñora huthihi kha muvhili. A do fha maanda mathihi a u kunakisa. A do fha maanda mathihi a u fhodza. A do ita zwithu zwithihi zwe a ita murahu, arali ra nga tou vhuya murahu kha Muya muthihi.

<sup>189</sup> Vhutshilo kha mundirivhe vhu do bveledza ndirivhe. Arali wo ralo mahoļa, u do bveledza tshithu tshithihi nañwaha. Uyo ndi Mulayo wā Mudzimu. Mulayo wa Mudzimu ndi wa uri, arali hoyu u mundirivhe, u litsheni, u do bveledza ndirivhe. Ni nga u enda nga tshiñwe tshithu, fhedzi zwenezwo u litsheni huno u do vhuya murahu kha ndirivhe nthihi hafhu.

<sup>190</sup> Ngauralo ri ennda tshivhidzo nga Vhupentekoste, nga Baphuthisi, nga Methodisi, nga Vhuphuresibetheriene, nga—nga Angelikheni, na lushaka luñwe na luñwe lwa ism. Ndi ngani ni sa zwi litshi? Vhuyani murahu kha Tsinde, a do vhuya murahu kha Maanda mathihi. Amen! Amen! Ndi a funa hezwo.

<sup>191</sup> “Thomani tshiñwe tshithu tshiswa.” Tshithu tshithihi tshe ra ita. Hu si u lingedza u sumbedza ndango yashu. “Dokotela *Mukeneñene* ndi musimuli wa *Tshikeneñene* tshivhidzo tshi re *tshikeneñene na tshikeneñene*.” Zwo vha zwi songo ralo.

<sup>192</sup> Ndi zwe Mushe amba, “Ndi do vha sumbedza zwine nda ita. Ndi do tshi qisa, naho zwo ralo!” O Li rwa, a si bve. A tzhema hafhu, “U sumbedza zwine nda nga ita!” Mudzimu shuma nae nga izwo.

<sup>193</sup> Naa a ni humbuli, arali na “tou farelela kha iñwe dinomineisheni.” Mudzimu u do shumana na inwi nga izwo. Ndi zwone kokotolo. Ni tea u vhuya murahu kha tsha vhubvo. Vhuyani murahu.

<sup>194</sup> Itanu amba na vhathu. (Ni songo vha vhudza, “Dani ni dzhoine tshivhidzo tshashu. Idani ni ambe mulayo washu.”) “Ni vhuya murahu na shanduka, huno na lovhedzwa nga Dzina la Yesu Kristo, u itela u hangwelwa ha zwivhi zwanu; huno ni do tanganedza tshifhiwa tsha Muya Mukhethwa, arali mbilu yanu yo luga. Huno hezwi zwiga zwi do tevhela vhatendi. Tshigwada tsha vhatendi, hezwi zwiga zwi do tuwa navho.” Ngauri ndi ngani? Lone Tombo, Tombo lo rwiwaho na Madi Alo a Vhutshilo a khou bva, a tshi bveledza tshithu tshithihi tshe A ita murahu hafho. Zwi tou vha zwi nga si thivheye. Oo, ee.

<sup>195</sup> Ri khou ḥoda u vhoniwa, huno ra ri, “Ri vha Methodisi, na Baphuthisi.”

<sup>196</sup> Itanu amba na Tombo, U dzula a Hone. Ni songo lingedza u I dzhoina. Ndo vha ndo “dzhoina” fhasi hafha. Ni songo lingedza u I dzhoina. Ni nga si i dzhoine Heyi, hezwo zwi na vhuñanzi. Ni nga dzhoina Methodisi, ni nga dzhoina Baphuthisi, ni nga dzhoina Pentekostała, ni nga dzhoina Angilikheni, fhedzi ni nga si dzhoine Hetshi. Hai. Ni tea u dadzwa nga Hezwi. Ni songo Tshi dzhoina; itanu dadzwa Ngatsho. Ndi zwenezwo fhedzi. Tsho ḥadzwa nga mini? U ḥadzwa nga Maanda, u ḥadzwa nga Muya, u ḥadzwa nga Vhutshilo, u ḥadzwa nga dakalo, mulalo, u sa fhela mbilu, vhulenda, vhudi, Maanda a Muya Mukhethwa kha vhutshilo hanu, ngauri Vhuhone ha lini na lini vhuhone. Elelwani.

Ndi do tea u vala ngauri li khou kovhela.

<sup>197</sup> Fhedzi, elelwani, ilo Tombo a lo ngo vhuya la vha tutshela. A lo ngo vhuya la vha tutshela. Huno Kristo a nga si vhuye a ri tutshela; Kristo o ri, “Ndi do vha na vhoiwi tshifhinga tshothe, u swika magumoni a shango.” Naa izwo ndi zwone? Huno ilo Tombo lo dzula navho u bva Horebe u swika Nebo. Lo ralo. Fhasi u swika Yorodane, Lo vha li kha di vha heneffo. O Mudzimu, ndi khou toda u Li vhona Yorodane!

<sup>198</sup> Mushe, musi o vha e Yorodane, Tombo lo vha li naye ndilani yothe. Huno o vha o ima ntsha heneffo, o lavhelesa fhasi kha—kha tshigwada tsha vhathe vho humelaho murahu kha Mudzimu. Mbilu yawe yo vha i khou vha swela. Huno a lavhelesa nga hangei Yorodane. Huno heneffo o vha a hone Yorodane. Yorodane, lwa tshimuya, ine nda khou amba nga hayo. Huno heneffo o vha o ima, lufu lwo vha lu tshi khou mu dela. Fhedzi a lavhelesa, tsho dzulaho nga heneffo thungo hawé huno heneffo ha dzula Tombo. A tou gonya ntsha ha Tombo, huno Vharuñwa vha da, vha mu hwalela kule.

<sup>199</sup> “A thi nga ni tutsheli kana u ni sia.” Zwi si na ndavha uri zwifhinga zwi kondà u guma gai, ri aluwa u guma gai, ndi lushaka-de lwa lufu lune ra fa, elelwani, lone Tombo li do vha li Yorodane. A li nga vhuyi la ni tutshela kana u ni sia. Itanu elelwa hezwo. Mađi A dzulaho a Hone u bva kha Tombo a do vha na riñe u tsa na vhutshilo, na kha Yorodane.

<sup>200</sup> Kha ri kotamise zwifhañwo zwashu. [Mukomana kha tshivhidzo u nea mulaedza nga u porofita—Mudz.]

<sup>201</sup> Musi Muya u tshi khou tshimbila vhukati hashu, Muya wa Mudzimu u tshi khou tshimbila vhukati hashu, naa vha do vha vha hone avho matsheloni ano vha sa ñivhi Kristo, huno a—a ni ho tsini na ilo Tombo, a ni ho kha vhimo havhuđi Nađo matsheloni ano? Fhedzi ni a zwi ñivha uri Li hone. Li lavheleseni li tshi khou shuma huñwe na huñwe, Mu vhoneni a tshi khou tshimbila u mona, li vhoneni Li tshi khou tshimbila kha vhathe. Ndi a dzulelaho u vha Hone Mađi. Ndi tshidzo. Ndi wone Muya une wa dadza tshiñwelo tshavho u swika fhethu hune a vha tsha kona u ñifara, tshiñwe tshithu tshi tea u bvelela. Huno a ni Mu ñivhi, naa ni nga takalela u imisa tshanda tshanu na ri, “Nthabeleleni, Mukomana Branham. Ndi khou toda u Mu ñivha zwino. Huno ndi khou toda u amba Nae, nahone ndi khou toda u Mu ñivha kha u khunyelela ha Muya Wawe. Ndi khou toda u ñivha uri u nga thungo Hanga, tshifhinga tshothe. Ndi a tenda O ralo. Fhedzi ndi khou toda u vha na vhushaka. Nahone ndi na dora, hafhu ndi na ndala ya Mudzimu. Ndi khou toda u Mu ñivha khwine”?

<sup>202</sup> Mudzimu a ni fhañtshedze, muñe wanga. Huno Mudzimu a ni fhañtshedze, muñe wanga. Huno inwi, mukomana. Inwi, ee, murahu-rahu. Fhasi hafha, mufumakadzi, Ee, mufumakadzi. Ri

vhona zwanda zwañu, na Mudzimu u ya zwi vhona. Mudzimu a ni fhañutshedze, mutukana muswa. Mudzimu a ni fhañutshedze. Na inwi, musadzi. Amen. Mudzimu a ni fhañutshedze. A ni fhañutshedze, khaladzi. Muñwe muthu zwino, kha itshi tshikhathi tsha u fhumula. Mudzimu a ni fhañutshedze, murahurahu, muthu muswa.

<sup>203</sup> Humbulani nga hazwo. Humbulani nga hazwo, a dzulaho a Hone Mađi u bva kha Tombo, uyo Muya muthihi; uri O ḥavha mukosi nn̄da henefho nga ḫuvha la khañhulo Yawe, musi Ā tshi dzhiya khañhulo yashu. Huno lubada lwa Mudzimu lwa mbiti lwa Mu rwa, huno zwivhi zwañu zwe vha zwi kha ulwo lubada, huno lwa Mu rwa, huno Malofha na mađi Awe zwa shuluwa u bva Khae. A ri, "Khotsi, kha zwanda Zwau Ndi vheyia Muya Wanga." Huno nga ḫuvha la Pentekoste, Wo da u tshimbila na riñe nga kha lwendo. Huno U tsini nga maanda zwino.

<sup>204</sup> Musi ni tshi kheluwa, nahone na tendelekela kule kule na Hayani; ni ri, "Murena, ndi khou vhuya Hayani." Musi ri tshi imba holwu, arali ni tshi nga takalela u da kha aleñari na ita u dikumedza hafhu, na inwi, ha muya wañu, kha Kristo? Amen.

Ndo tendelekela kule ha Mudzimu, (u bva  
ndilani)

Zwino ndi khou vhuya hani;  
Ndila ya u sa tenda (ndi tshivhi) ndi kale ndi  
tshi khou i tshimbila,  
Murena, ndi khou vhuya hayani.

Vhuya hayani, vhuya hayani,  
U si tsha dovha nda bva;  
Tharamudza phapha Dzau dza lufuno,  
Zwino, Murena, ndi khou vhuya hayani.

<sup>205</sup> [Mukomana Branham u isa phanda na u ñuna, *Murena, Ndi Khou Vhuya Hayani*—Mudz.]

<sup>206</sup> Vhatukana vhararu vho mbo di takuwa, nga u ḥavhanya, miñodzi mañoni avho, vha gwadama fhasi nga kha aleñari. A hu na zwiñwe, vho hangwelwa. Vho hangwelwa phanda ha musi vha tshi vhuya vha ḫutshela madzulo avho, musi muhumbulo wavho wo fhedza u dzhiya tsheo. Vho tou da phanda vha gwadama hafha fhasi, u ita uri vhatu vha zwi ñivhe, uri vha kha sia lìfhio, kha ano matsheloni.

<sup>207</sup> Ndi a elekanya uri hu nga vha hu na vhatu vhahulwane vhane vha nga takalela u ita hezwi, u tou fana na u gwadama, huno vha ri, "Murena, ndo—ndo tendelekela kule ha ndila. Ndo vha na u tima-tima hunzhi, huno tshinwe tshifhinga ndo tendeleka huno nda dzhena tshivhini. Zwino ndi—ndi khou ḫoda u vhuya ndi sa athu u lenga. Mudzimu, ndi—ndi nga takalela u da. Ndi nga takalela u da nda gwadama fhasi." Amen.

<sup>208</sup> Zwino, vhasidzana vhaṭuku vhararu vha Arthur Beam, vhane vha Ქoda u lingana, vha ya Ქa n̄tha hafha, vha gwadama phasi.

<sup>209</sup> A no khou Ქa phanda ndi musidzana muṭuku we a wana khaladzi muswa hayani. Liñwe ḋuvha ndo vha ndo dzula; Vho-Mme. Wood vha Ქa n̄tha huno vha mmbudza, uri hoyu khaladzi o vha a tshi khou ya sibadela u vha na nwana. Wone Muya Mukhethwa wa ri, “Iya u vha vhudze uri hu Ქo vha mutukana.” Musi a tshi bebiwa, ho vha hu mutukana muṭuku.

<sup>210</sup> Zwi vhonala sa vhana ano matsheloni, vhatu vhaṭuku vha tshi khou bva kilasini ya Khaladzi Arnold, vha tshi kumedza matshilo avho. Aleṭari yoṭhe, kha tsha u la tshanga, yo Ქala ngā vhana.

<sup>211</sup> Zwi Ქo vha zwavhuḍi arali ra nga imba ngosha, aleṭari, kha vhaṇwe vhatu vhoṭhe, (a zwi nga ralo?) vhahulwane.

Zwino, Murena, ndi khou vhuya hayani.

Vhuya hayani . . . ? . . .

U si tsha dovha nda bva;

Tharamudza phapha Dzau dza lufuno,

Zwino, Murena, ndi khou vhuya hayani.

<sup>212</sup> Kha ri kotamise zwifhaṭuwo zwashu lwa tshikhalyanya, u itela thabelo, kha havha vhaṭuku.

<sup>213</sup> Khotsi wa Tađulu, arali hu na matshelo li Ქaho, arali Yesu a lenga lwa miňwe miňwaha ya fumi kana fumiṭhanu, havha vha Ქo vha vhatukana na vhasidzana vhane vha Ქo isa hoyu Mulaedza kha muňwe murafho u Ქaho. A hu na u tima-tima muhumbuloni wanga, Murena, fhedzi kha mađuvha Ქthe a vhutshilo havho vha do elelwa u Ქa kha heyi aleṭari. Huno vha tou vha midzio miňukhu, Murena. Dzavho mbilu ḫukhu thethe dzi khou haṭulwa ano matsheloni. Vha songo vhuya vha pfa Mulaedza woṭhe; u tou bva lufherani, kha u pfa Khaladzi Arnold a tshi amba; u tshimbila n̄tha kha aleṭari hafha, vha tshi Ქea matshilo avho maṭuku kha Iwe.

<sup>214</sup> Zwino, Khotsi, ndi kha Ქi tou bva u amba nga ha uri kha riñe hu dzula Muya Mukhethwa. Huno hoyu Muya Mukhethwa, lutendo nga hoyu Muya, lu ita zwithu zweṭhe. Huno ndi a tenda uri ino awara, U hangwela tshivhi tshiňwe na tshiňwe tshe vha ita. Huno ndi khou humbela Iwe, nga lutendo lwoṭhe lu re mbiluni yanga, uri U Ქo vhulunga matshilo avho maṭuku u tsa phasi na ndila. Ngavhe vha sa vhuyi vha kheluwa kha Ndila.

<sup>215</sup> Hezwi ndi zwithu zwi songo ḋoweleaho zwa vhukuma. Muya wo amba matsheloni ano, uri ri Ქo “vhona tshiňwe tshithu tshi songo ḋoweleaho.” Mudzimu, arali Wo litsha u shuma na vhaṇwe, dzhia vhana vhaṭuku. Hani nga aya matsheloni, kha mbidzo ya aleṭari, a hu na na muthihi muthu muhulwane, fhedzi tshigwada tshoṭhe tsha vhana vhaṭuku tsha Ქa. Naho, wo vha u Mulaedza

muhulu u songo leluwaho u pfectesa, na kha vhahulwane, fhedzi vhana vho gavha Muya Wawo. Ri a U livhuwa ngavho, Khotsi. Ndi vha n̄ea kha Iwe, sa mudinda Wau, sa tshiphuga tsha uno muṭangano; ngauri, ri tshi eletwa uri Madi a dzulaho a Hone a Vhutshilo a do tshimbila navho tenda vha tshi kha di tshila. Ngavhe vha tshi vha na lutendo zwino kha zwine zwa khou bvelela, uri Mudzimu we a vha kokodza kha tshidulo huno a vha rumela n̄ha hafha, ngavhe vha tshi vha na lutendo kha uyo Mudzimu maduvha othe a vhutshilo havho. Ngavhe mimuya yavho i tshi diswa kha Iwe nga duvha la lufu lwavho; ya vhuiswa murahu kha mivhili yavho nga duvha la muwo. Ndi Vhau, Khotsi. Ri vha kumedza kha Iwe nga kha Dzina la Yesu.

<sup>216</sup> Musi ri kha di vha ro kotamisa zwifhaṭuwo zwashu. Ndi khou ya u vhudzisa havha vhana vhoṭhe kha aleṭari, vhane vha tenda uri Yesu ndi Mutshidzi wavho na We A ni vhudza, murahu hangei kha vhathetshelesi, u da hafha vha gwadama kha aleṭari. Naa ni a tenda uri Yesu u a ni funa nahone o ni hangwela zwivhi zwaṇu? Ndi khou ṭoda noṭhe ni tshi ima nga milenzhe yaṇu huno ni lavhelese hafha kha vhathetshelesi. Hezwi, ndi yone ndila ine na nga amba uri no tenda uri Yesu o ni tshidza. Zwino imani nga milenzhe yaṇu, ndi zwone, huno ni lavhelese murahu kha vhathetshelesi. Vhoinwi vhatukana vhatuku na vhasidzana vhane vha funa Yesu, imani huno ni lavhelese murahu kha vhathetshelesi henefho, muṇwe na muṇwe wa vhoinwi.

<sup>217</sup> Mini-ha nga ha vhasidzana vhaṭuku afha phanda? Naa ni a tenda? Naa ni a funa Yesu? Havha vhasidzana vhaṭuku hafha, naa ni a funa Yesu nga mbilu yaṇu yoṭhe? Ni a ralo? Ni a Mu funa? Ni a Mu funa, mufuṇwa? Imani hafha, irani vhathu vha zwi ḋivhe uri ni a funa Yesu. Mudzimu a ni fhaṭutshedze.

<sup>218</sup> Zwino kha ri mone nga *heyi* ndila huno ri imbele vhathu phanda ha musi ri tshi ṭuwa, “Yesu u ya mpfuna! Hezwi ndi a zwi ḋivha. Bivhili i mmbudza nga u ralo.” Ni a vhona? Kha ri tou imisa zwanda zwashu musi ri tshi lu imba zwino. Zwo luga, kha ri lu imbe.

Yesu u ya mpfuna! hezwi ndi a zwi ḋivha,  
Ngauri Bivhili i mmbudza nga u ralo;  
Vhaṭuku ndi Vhawe,  
Vha shayah nungo . . .

<sup>219</sup> Zwino na zwanda zwaṇu zwi n̄ha, ndi vhanganha hafha vha—vha ṭodaho u vha henefho?

Ee, Yesu u ya mpfuna,  
Ee, Yesu u ya mpfuna,  
Ee, Yesu u ya mpfuna,  
Bivhili i mmbudza nga u ralo.

<sup>220</sup> Zwino noṭhe ni dovholelha nga murahu hanga: [Vhana kha aleṭari vha dovhola nga murahu ha Mukomana Branham—Mudz.] Ndi a tenda Yesu Kristo ndi Murwa wa

Mudzimu. Namusi ndi Mu ḥanganedza sa Mutshidzi wanga. U bva lino ḥuvha, u ya phanda, ndi do Mu funa na u Mu shumela. Amen.

<sup>221</sup> [Mukomana kha tshivhidzo u ri, “Mukomana Branham, ndi na vhana vhaṇa mbiluni yanga nga tshino tshifhinga. Naa ni nga vha rabelela?”—Mudz.] Zwa vhukuma ndi do ralo, Mukomana Ben.

<sup>222</sup> Khotsi wa Tađulu, hoyu munna u vhona vhaṇwe vhana vhaṭuku vha tshi khou da kha Kristo, huno u ya lila, sa khotsi, u itela vhawe vhaṭuku. Na Muya we wa disa avha vhaṭuku kha aleṭari, ngavhe Muya muthihi u tshi tshidza vhana vhawe, Murena. Zwi tendele. Ri vha kumedza kha Iwe, Khotsi, nga Dzina la Yesu Kristo.

<sup>223</sup> Zwino musi vhoinwi vhathu vhaṭuku ni tshi ya madzuloni a vhoinwi, Ndi khou ḥoda muṇwe na muṇwe kha itsho tshipiḍa vha tshi khadana na avha vhana vhatuku, kana u vha phaphatha musi vha tshi ya murahu. Zwino noṭhe humelani hune na dzula hone, nga *heyi* ndila. Huno ni tendele muṇwe na muṇwe u mona heneffo a tou phaphatha vho-muṭuku. Huno ri a ni funa nga mbili dzashu dzoṭhe. Ni mirađo ya Muvhili wa Kristo, u tou vha Khawo u fana na riṇe.

Ri khou matshela Tsioni,  
Tsioni yo nakaho, yo nakaho;  
Ri khou matshela nṭha Tsioni,  
Uyo Muđi wa Mudzimu wo nakaho.

Idani, riṇe vha no funa Murena,  
Huno madakalo ashu kha divhee,  
Dzhoinani kha luimbo ni na lithihi li difhaho,  
Dzhoinani kha luimbo ni na lithihi li difhaho,  
Huno ngauralo na tingeledza Khuluṇoni,  
Huno ngauralo na tingeledza . . .

Izwo ndi u imba havhuđi! Kha ri imise zwanda zwashu zwino.

Ri khou matshela Tsioni,  
Tsioni yo nakaho, yo nakaho;  
Ri khou matshela nṭha Tsioni,  
Uyo Muđi wa Mudzimu wo nakaho.

Kha ri khadane musi ri tshi imba zwino.

Ri khou matshela Tsioni,  
Tsioni yo nakaho, yo nakaho;  
Ri khou matshela nṭha Tsioni,  
Uyo Muđi wa Mudzimu wo nakaho.

<sup>224</sup> Zwino kha ri ime na ḥoho dzashu dzo kotama, musi ri tshi . . . Lu lidzeni Mukomana Teddy, u tou . . . [Mukomana Branham u thoma u nuna, *Ri Khou Matshela Tsioni*—Mudz.]

<sup>225</sup> Ndi na zwiñwe zwi rabeliswa hafha, na zwisagaduku na zwiñwe. Zwi nga vha zwi tshi khou bva seli ha malwanzhe. Billy o vha a tshi khou mmbudza uri vho vha vha na phere ya zwibutsu u bva kha ñwana muñku ngei England, two lapfaho nga u *ralo*, tshithu tshiñku tsho holefala. Huno ro vha ri tshi tea u rabelela na hezwo, nazwo-vho.

<sup>226</sup> Huno ngauralo...[Kha tshivhidzo Mukomana Ben u ri, "Mukomana Branham, pfareleni nga u dzhenelela, fhedzi rabelani uri, ndi nnyi o thulaho goloi yashu madekwe, kha fenda ya tsha u la ya phanda, rabela uri zwi do dzumbululwa. Rabela uri Murena vha zwi dzumbulule."—Mudz.] Amen, Mukomana Ben, zwa vhukuma ndi do ralo.

<sup>227</sup> [Mukomana Branham u i sa phanđa na u ñuna, *Ri Khou Matshela Tsioni*—Mudz.]

<sup>228</sup> Vhunga ri tshi khou matsha, Murena, ri a zwi ñivha uri Tombo lo rwiwaho li na riñe, a dzulaho a Hone Madi u bva kha Tombo a tshimbila na Tshivhidzo. O Mudzimu wa U Ya Nga Hu Sa Fheli, ri neye, ano matsheloni, lutendo kha hoyu Mudzimu ane a vha na riñe. Ndi a ñivha uri U do ralo, sa vhunga ri tshi nga wana tshilidzi kha Iwe, uri U nga ri themba Ngazwo. Arali Wa nga ri ñea Tshone nga vhudalo, ri nga Tshi shumisa nga ndila i si yone, Murena. Fhedzi arali ra wana tshilidzi na Iwe, zwi tendele zwi iteye.

<sup>229</sup> Mukomana washu uri tshiñwe tshithu tsho thula goloi yashu. O Mudzimu, ri a zwi ñivha uri vhasadzi a vha na tshelede ya u ita hezwi zwithu. Ndi a rabela uri U do ñisa uyo muthu fhasi ha u ñisola, kana tshiñwe tshithu, uri a rembuluwe nga u ita hezwi zwithu, a ñe, a ri, "Mukomana, ndi do lugisa goloi yanu, ndo zwi ita." Thusani Mukomana Ben na muña wawe.

<sup>230</sup> Hafha tshanđani tshanga ndi tshi sagadugu na zwi rabeliswa, vha na lutendo kha izwo Mudzimu. Mushe o vha a na lutendo kha uyo Mudzimu, huno a buða lwanzhe. Dainele o vha a na lutendo kha uyo Mudzimu, huno a bviswa bakoni la dzindau. Shañiraka, Mishaka, na Abedinego, vho vha na lutendo Khae, huno a tsima uyo mulilo. Paulo o vha a na lutendo Khae, huno linwe ñuvha musi tshumelo yo vha i tshi khou kondà huno Ña Paulo o vha a si nga si swike kha muñwe na muñwe, o tou dzhia tshisagadugu, a ri, "Ndi a tenda uri Mudzimu u na nnë." A vheya zwanda zwave kha zwisagadugu na dziapuron, huno mimuya mivhi ya bva kha vhatmu, huno malwadze na mathupho a bva khavho. Huno, Mudzimu, ndi na lutendo kha Mudzimu muthihi. Ngavhe mimuya mivhi i tshi tuwa. Malwadze, mathupho, mabiso, ngavhe zwi tshi tuwa, Murena.

<sup>231</sup> U kha ñi vha Mudzimu muthihi we a amba na nnë fhasi kha ilä Khavhu ya Mulilo, fhasi mulambomi. Ndi Iwe ane tshifanyiso Tshau tsho nembelela hafha na nnë, kha luvhondo. U na riñe, Murena. U i dzulaho i hone Khavhu ya Mulilo. Huno ro ñifhelwa

nga Madi u bva kha Tombo ḋuvha liñwe na liñwe, vhunga ri tshi dzhoina kha Muya. Zwenezwo, U fhano. Ri na fhulufhelo kha Iwe, Murena. Ri na lutendo kha Iwe. Ri a tenda uri U do ri ḋolisa nahone wa ri thusa. Hu si u itela vhugala hashu, Murena; ri do nga sa Mushe zwenezwo, musi a tshi ita tshithu tsho khakheaho. Ri khou ṭoda u ita tshiñwe tshithu u thusa Iwe, Murena. Ndi yone ndivhō ya mbilu yashu, u thusa Iwe, arali u tshi nga zwi ita. Ri sumbedze, Khotsi, tshiñwe na tshiñwe tshine Wa ri ṭoda ri tshi ita.

<sup>232</sup> Huno zwino, kha nyito ya lutendo, ndi haṭula ayo malwadze ane idzi sagadugu dza imela one, na hedzi dzi khumbelo. Zwi do ḫutshela vhathu. Ndi a zwi ḫivha uri U do zwi ita, Murena. Ndi a zwi tenda, mbiluni yanga, ri U do zwi ita. Fhodza malwadze oṭhe vhukati hashu ano matsheloni.

<sup>233</sup> Tshidza avho vho imisaho zwanda zwavho, vhane vha ri vha do takalela u ḫa kha Tombo, u itela Madi. Mudzimu, ngavhe vha tshi vha na ḫora nga maandā ḥamusi, ngavhe hu tshi vha na uvho vhutshilo vhu dungaho u mona navho, u swika hu tshi vha ita uri vha vhe na ḫora la Kristo. Zwi tendele.

<sup>234</sup> Ivha na riñe madekwana a ḥamusi, Khotsi. O Mudzimu, irani ndi wanuluse, nga kha hedzi khumbelo, zwine zwa vha kha mbilu dza vhathu. Arali hu na tshithu mbiluni dzavho, zwenezwo, Murena, Wo mpha tshiñwe tshithu tsha u funza mbiluni dzavho madekwana a ḥamusi.

<sup>235</sup> Fhaṭutshedza Mukomana washu Neville, na mufumakadzi wawe, muṭa wawe; tshivhidzo tshashu tshiṭuku, vhafarandaka vhashu, madikoni ashu, miraḍo yashu. Huno Muvhili Wau huñwe na huñwe, ivha na riñe, Khotsi. Ri kumedza hezwi zwandanī Zwau, nga Dzina la Yesu Kristo.

Tsioni; ri khou matshela n̄tha Tsioni,  
Mudi wo nakaho wa Mudzimu.

Zwino kha ri tou lu imba, zwa vhukuma, zwa vhukuma Khae zwino. Ni a vhona?

Idani, riñe vha no funa Murena,  
Huno madakalo ashu kha ḫivhee,  
Dzhoinani kha luimbo ni na lithihi li difhaho,  
Dzhoinani kha luimbo ni na lithihi li ḫifhaho,  
Huno ngauralo na tingaledza khuluñoni,  
Huno ngauralo na tingaledza khuluñoni.

Na zwifhaṭuwō zwashu zwe kwatama zwino.

Ri khou matshela Tsioni,  
Tsioni yo nakaho, yo nakaho;  
Ri khou matshela n̄tha Tsioni,  
Mudi wo nakaho wa Mudzimu.



*MADI A DZULELAHO U VHA HONE KHA TOMBO* TSV61-0723M  
(The Ever-Present Water From The Rock)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Fulwana 23, 1961, Thabererakeneleni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenḍa yo gandiswa huno ya phaḍaladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)